

四庫全書

子部

欽定四庫全書

子部

玉海卷一百八十二

詳校官中書

臣張經田

主事臣祁韻士覆勘

總校官進士

臣朱

鈐

校對官主事臣陳文樞

謄錄監生

臣

婁春芳

欽定四庫全書

玉海卷一百八十二

宋 王應麟 撰

食貨

漕運

三代之前漕運之法不備禹貢州來繫河先儒以為
運道至於青達濟揚達泗荆止於南河雍止於西河
此正裴耀卿節級轉輸之法先王賦藏天下自都達

境周禮遺人凡師役掌道路之委積委人軍旅共委積薪芻積倉于幽峙糧于申會蒐之備取于衛而無轉輸之勞唯職內待邦之移用注謂轉運均人掌牛馬車輦力政注以為轉委積之屬黍苗詩曰我任我輦我車我牛箋云召伯營謝轉餽之役廩人有師役之事治其糧食注有行道止居之異而他未之見

秦輸粟于晉自雍及絳曰汎舟之役

從渭水運入河汾

吳城

邗溝通江淮於邗江築城穿溝東北通射陽湖西北

至永口入淮通糧道也齊師之出陳鄭共糧晉軍楚地食其館穀荀首如齊宣伯餽之晏子對齊景公謂師行而糧食勞者弗息蘇秦曰秦攻楚則韓絕其糧道張儀曰秦西有巴蜀方船積粟起於汶山循江而下至郢三千餘里舫江載卒一舫載五千人與三月之糧下水而浮一日行三百餘里秦漢而下漕法始詳秦章邯築甬道而輸粟趙充國奏大司農所轉穀至者足支萬人一歲食傾不虞之用以贍一隅後

將軍征西羌張敞言隴西以北安定以西吏民並給
轉輸田事頗廢永光二年秋馮奉世擊羌對善用兵
者役不再興糧不三載往者再三發輶贍日頗費于
定國云前擊朱厓卒士轉輸費用三萬萬餘建始四
年河決遣謁者二人發河南以東漕船五百艘徙民
避水溝洫志

漢關中轉漕

張良傳良曰關中沃野千里河渭漕輓天下西給京師

諸侯有變順流而下足以委輸此天府之國

虞詡曰雍州厥田惟

上水卷
河漕

蕭何傳漢二年何守關中計戶轉漕給軍鄂

秋曰漢與楚相守滎陽數年軍無見糧蕭何轉漕關中

給食不乏

高帝日給餉
餽不絕糧道

志漢興糧吏祿度官用云云

漕運關東粟以給中都官歲不過數十萬石孝惠高后

之間衣食滋殖文景遵業屢勅有司以農為務民遂樂

業武帝因文景之蓄忿胡粵之害即位數年嚴助朱買

臣等招徠東甌事兩粵江淮之間蕭然煩費矣

買臣治
樓船備

糧食

淮南王諫伐閩越曰不可以大船載食糧下

唐蒙司馬相如始開西南夷

鑿山通道千餘里廣巴蜀巴蜀之民罷焉

相如傳云郡多為發轉漕

萬餘人擅為轉粟運輸

彭吳穿穢貊朝鮮置滄海郡則燕齊之間

靡然發動及王恢謀馬邑匈奴絕和親侵擾北邊兵連

而不解天下其其勞行者齎居者送其後衛青歲以數

萬騎出擊匈奴逐河南北築朔方時又通西南夷道作

者數萬人千里負擔餽餉率十餘鍾致一石轉漕甚速

自山東咸被其勞費數十百鉅萬元狩四年大將軍票

騎擊胡步軍轉者踵軍數十萬矣官多徒衆而下河漕
度四百萬石及官自糴乃足元封元年桑弘羊為治粟
都尉領大農弘羊置平準於京師山東漕益歲六百萬
石一歲之中大倉甘泉倉滿邊餘穀均輸帛五百萬疋
民不益賦而天下用饒

古今轉漕之
盛極於此矣

酈生曰蜀漢之

粟方船而下

灌嬰絕楚糧道

漢軍榮陽築甬道取

敖倉食

項羽
傳

漢通褒斜道

溝洫志孝武時有上書欲通褒斜道及漕

褒斜二谷名

事下

御史大夫張湯問之言抵蜀從故道多阪即遠今穿褒斜道少阪近四百里而褒水通沔斜水通渭皆可以行船漕漕從南陽上沔入褒褒絕水至斜間百餘里以車轉從斜下渭如此漢中穀可致而山東從沔無限便於底柱之漕且褒斜材木竹箭之饒擬於巴蜀上以為然拜湯子卬為漢中守發數萬人作褒斜道五百餘里道果便近而水多湍石不可漕後郡國志右扶風武功

有斜谷注褒斜谷在長安西南南曰褒北曰斜長百七
十里其水南流杜篤論都賦鴻渭之流徑入于河大
船萬艘轉運相過昭紀元鳳二年六月詔曰閔百姓
未贍前年減漕三百萬石三年正月詔曰民被水災其
止四年毋漕

漢漕渠

武紀元光六年春穿漕渠通渭如淳曰水轉運曰漕

番係鄭當時

見河渠

枚乘說吳曰二十四郡十七諸侯

方輸錯出運行數千里不絕於道其珍怪不如東山之府轉粟西鄉陸行不絕不如海陵之倉

漢五鳳省轉漕

志孝宣即位歲數豐穰穀石五錢農人少利時耿壽昌以商功利得幸五鳳中奏言故事歲漕關東穀四百萬斛給京師用卒六萬人宜糴三輔弘農河東上黨太原等郡穀可以省關東漕卒過半天子從其計蕭望之言今欲近糴漕關內之穀築倉治船費直二萬萬有動衆

之功恐生旱氣帝不聽漕事果便 紀五鳳四年春正

月司農中丞壽昌奏設常平倉以給北邊省轉漕賜爵

關內侯 通典管子曰粟行三百里則國無一年之積

粟行四百里則國無二年之積粟行五百里則衆有饑

色孫武曰千里饋糧士有饑色食敵一鍾當吾二十鍾

且言粟不可推移而糴之者無利糴之處受害秦欲攻

匈奴運糧使天下飛芻輓粟起於黃腫瑯琊負海之郡

轉輸北河率三十鍾而致一石

主父偃云

轉海瀕之粟至于

西河

伍被云

使尉屠睢將樓睢之士攻越使監祿鑿渠運

糧丁男被甲丁女轉輸

嚴安云

晁錯言募民實塞使輸

將之費益寡主父偃請置朔方內省轉輸戍漕 丞相

賀令耕者自轉

自輸穀於邊

元鼎元年秋九月詔水潦移

於江南方下巴蜀之粟致之江陵六年初置張掖酒泉

郡餽糧遠者三千近者千餘里皆仰給大農太初元年

八月發七科適載糒給貳師轉車人徒相屬 趙充國

奏循河湟漕穀

馮奉世傳再三發輶

淮南子內郡輶車而餉

卜式為成臯令將漕最

漢護漕都尉

朱博為護漕都尉 王尊為護羌將軍轉校尉護送軍糧委輸而羌人反絕轉道 建武七年二月辛巳罷護漕都尉官

漢河內轉運

後漢傳寇恂為河內太守光武謂恂曰昔高祖留蕭何鎮關中今委公河內堅守轉運給足軍糧恂收租四百

萬斛轉以給軍時軍食乏恂以輦車驪駕轉輸前後不絕尚書升斗以稟百官贊曰子翼守溫蕭公是埒係兵轉食以集鴻烈 鄧晨為常山守遣委輸給軍不絕

王霸為上谷太守上書陳委輸可從溫水漕以省陸轉輸之勞 張堪遷謁者使送委輸金帛詣吳漢 建武八年春大轉糧運使來歙率諸將擊公孫述明年隴西民流傾倉廩轉運諸縣振之 十二年發委輸金帛緡絮供給軍士杜茂亦建屯田驢車轉運 十一年臧宮

將兵屯中盧屬縣送委輸車數百乘

漢武都下辦漕水運

虞詡傳羌寇武都鄧太后以詡有將帥之略遷武都太守詡乃占相地勢築營壁二百八十所招還流亡假賑貧人郡遂以安先是運道艱險舟車不通驢馬負載僦五致一詡乃自將吏士案行川谷自沮至下辦數十里中皆燒石翦木開漕船道以人僦直雇借庸者於是水運通利歲省四千餘萬注沮今興州順政縣下辦今成

州同谷縣續漢志下辨東三十餘里有狹中當水泉生
大石障塞流水至春夏輒溢詗使人燒石以水溉之石
皆裂因鑄去石遂無氾溺之患 鄭弘傳舊交阯七郡
轉運皆從東治汎海建初八年弘為司農奏開零桂嶠
道

蜀木牛流馬運

三國志建興九年春二月諸葛亮復出軍圍祁山始以

木牛運

六月糧盡退軍亮軍祁山李平催督運事秋夏之際霖雨運糧不繼亮退軍

十年亮

休士勸

一作勤

農於黃沙作流馬木牛畢教民

一作兵

講武

十一年冬亮使諸軍運米集於斜谷口治斜谷邸閣十

二年春二月亮悉大衆由斜谷出始以流馬運

據武功五丈原

分兵屯田

本傳亮性長於巧思損益連弩木牛流馬皆出

其意注魏氏春秋曰亮損益連弩謂之元戎亮集載作

木牛流馬法曰木牛方腹曲頭一脚四足頭入項

一作領

中舌著於腹載多而行少宜可大用特行者數十里羣

行者二十里曲者為頭雙者為脚橫者為領轉者為足

覆者為背方者為腹垂者為舌曲者為肋刻者為齒立

者為角抑

一作細

者為鞅攝者為鞅韉牛仰雙轅人行六

尺牛行四步載一歲糧日行二十里而人不大勞流馬

尺寸之數肋長三尺五寸有左右又有前軸後軸前脚

後脚前杠後杠皆有尺寸方囊二枚每枚受米二斛三

斗前後四脚形制如象陳壽言立法施度整理戎旅工

械技巧物究其極 亮屯沔陽以轉漕回遠使子喬親

帥諸將子弟傳運於谷中 南史齊祖冲之以諸葛亮

有木牛流馬乃造一器不因風水施機自運不勞人力
唐劉濛經略河湟始議木牛運

魏漕渠

鄧艾

見屯田

杜畿傳太祖西征至蒲阪與賊夾渭為軍

軍食一仰河東征漢中遣五千人運 鄭渾傳大軍入

漢中運轉軍糧為最 魏武建安九年正月濟河遏洪

水入白溝以通糧道

晉漕運

紀武帝泰始十年鑿陝南山決河東注洛以通運漕

懷帝永嘉元年九月修千金塢於許昌以通運 成帝

咸和六年正月戊午以海寇運漕不繼發王公已下千

餘丁各運米六斛 穆帝升平三年三月甲辰糧絕不

繼制王公已下十三戶共借一人助度支運 志大司

農統東西南北部護漕掾 傅杜預通零桂之漕 張

華為度支尚書量計運漕 謝元堰呂梁利運漕 桓

溫使豫州刺史袁真攻譙梁開石門以通水運真克譙

梁而不能開石門水運路塞 應遵上便宜求壞泗陂
徙運道 王羲之論北伐曰今轉運供繼西輸許洛北
入黃河

晉督運御史

紀太元六年正月丁酉初置督運御史官

又見
通典

宋何

承天言募耦車牛以載糧械

隋漕運

開皇三年以倉廩尚虛議為水旱之備詔於蒲陝等十

三州置募運米丁衛州置黎陽倉陝州置常平倉華州
置廣通倉轉相灌注漕關東汾晉之粟以給京師元
魏經略江淮轉運中州以實邊鎮有司請於水運之次
隨便置倉立即閣凡八所應機漕引費役徵省孝文太
和七年刁雍請造船二百艘一運二十萬斛方舟順流
五日而至輕於車運十倍

唐水陸運 遞場 海運

六典自洛至陝運於陸自陝至京運於水置使以統之

駕部諸司有
備運之車

食貨志唐都長安而關中號沃野然土

地狹所出不足給京師備水旱常轉漕東南之粟高祖
太宗時用物有節而易贍水陸漕運歲不過二十萬石
故漕事簡高宗後歲益增多初江淮漕租米至東郡輸
含嘉倉以車或馱陸運至陝水行來遠多風波覆溺率
一斛得八斗為成勞陸運至陝纔三百里率兩斛計錢
千民送租皆有水陸之直河有三門底柱之險顯慶元
年苑西監褚朗議鑿三門山為梁通陸運功不成其後

大匠楊務廉又鑿為棧以輓漕舟人以為苦初裴耀卿興漕路請罷陸運而不果自景雲中陸運北路分八遞雇民車牛以載開元初河南尹李傑為水陸運使運米歲二百五十萬石而八遞用車千八百乘

會要開元二年傑為水運

使大興漕事

耀卿罷久之天寶九載九月河南尹裴迴以八

遞傷牛乃為交場兩遞濱水處為宿場分官總之自龍

門東山抵天津橋為石堰以遏水

通典迥以遞場為交場近水處為宿場

會要開元二十九年除朔方節度王忠嗣加水運使

二十七年十二月李適之為幽州節度河北海運使建
中元年罷轉運使既而復以杜佑權江淮水陸轉運使
通典天寶中每歲水陸運米二百五十萬石入關舊
於河南運至陝郡太原倉又運至永豐倉及京太倉開
元初河南尹李傑始為陸運使從含嘉倉至太原倉置
八遞場每歲冬初起運八十萬石後至一百萬石每遞
用車八百乘分為前後交兩月而畢天寶七載滿二百
五十萬石每遞用車千八百乘自九月至正月畢大厯

後水陸運每歲四十萬石入關 傳任瓌留戍永豐倉

秦王東討瓌從邛山主水運餉軍

又見後

李襲譽授太

府少卿伐王世充拜潞州總管詔典運饌東軍 竇琮

武德初留守陝護饌道 房玄齡為太子太傅伐遼留

守京師總糧械飛輸 韋挺主餉運作漕艦轉糧 崔

仁師副挺知海運又別知河南漕事以漕路回遠恐所輸

不時至以便宜發近海租賦餉軍 崔湜建言山南可

引丹水通漕至商州自商鏡山出石門抵北藍田可通

輓道以湜充使開大昌關役徒數萬竟不通 姜師度
神龍初並海鑿平虜渠以通餉路罷海運省功多為陝
州刺史太原倉水陸運所湊轉屬諸道使依高為廩而
注米于舟故人不勞 李泌貞元九年拜陝虢觀察使
始鑿山開車道至三門便饟漕 王播長慶初浚七里
港以便漕 王仲丘祖師順仕高宗議漕輸事 韓重
華為代北水運使 狄仁傑督太原運 陸贄奏議崔
造作相懲元琇罷運之失請每年轉漕百萬石以贍京

師地理志平州馬城古海陽城也開元二十八年置以通水運金石錄元和二年五月席夔撰東渭橋河

運院記

興元江運

見河渠

唐漕渠

廣運潭

洛漕新潭

會要大足元年六月九日於東都立德坊南穿新漕置諸州租船神龍二年滄州刺史姜師度傍海穿漕號平虜渠開元二十八年九月魏州刺史盧暉開通濟渠製樓百餘間以貯江淮之貨二十九年十一月陝郡太守

李齊物鑿三門路便漕運開渠得古犁鏵三於石下遂

改河北縣為平陸天寶元年正月二十五日辛未渠成其

年三月陝郡太守韋堅引漕水開廣運潭於望春東自

華陰永豐倉以通河渭至二年三月二十六日丙寅名潭

曰廣運京兆尹韓朝宗分渭水置潭以貯水永泰二年

七月十日通鑑云八月京兆尹黎幹奏鑿運水渠通鑑云京兆尹黎幹

自南山引澗水穿漕渠入長安不成開元二十六年十一月五日齊澣奏

請開伊婁河又立伊婁埭地志同詳見河渠類志韋堅漕山

東粟四百萬石自裴耀卿言漕事進用者常兼轉運之職而堅為最地理志河南有洛漕新潭大足元年開以置租船泗州漣水有新漕渠南通淮垂拱四年開以通海沂密等州興元初治漕渠引湖陂築坊庸入渠中起隄貫城以通大舟者淮南節度杜亞也元和中以漕渠庠下築隄閘以防洩者李吉甫也大和初疏秦漢時故漕興成堰東達永豐倉罷車輓之勞者咸陽令韓遼也神龍初韋景駿令肥鄉縣地瀕漳舊防迫漕渠

景駿相地勢益南千步因高築郭又維艚以梁其上

唐開元漕事便宜 北運

志開元十八年宣州刺史裴耀卿朝集京師玄宗訪以漕事耀卿條上便宜曰江南戶口多而無征防之役然送租庸調物以歲二月至揚州入斗門四月已後始渡淮八汴常苦水淺六七月乃至河口而河水方漲須八九月水落始得上河入洛而漕路多梗船檣阻隘江南之人不習河事轉雇河師水手重為勞費得行日少阻

滯日多今漢隋漕運路瀕河倉廩遺跡可尋可於河口
置武牢倉鞏縣置洛口倉使江南之舟不入黃河黃河
之舟不入洛口而河陽柏崖太原永豐渭南諸倉節級
轉運水通則舟行水淺則寓於倉以待則舟無停留而
物不耗失此其利也玄宗初不省二十一年耀卿為京
兆尹京師雨水穀涌貴玄宗將幸東都復問耀卿漕事
耀卿因請罷陝陸運而置倉河口使江南漕舟至河口
者輸粟於倉而去縣官雇船以分入河洛置倉三門東

西漕舟輸其東倉而陸運以輸西倉復以舟漕以避三
門之水險玄宗以為然乃於河陰置河陰倉河西置栢
崖倉三門東置集津倉西置鹽倉鑿山十八里以陸運
自江淮者皆輸河陰倉自河陰西至太原倉謂之北運
自太原倉浮渭以實關中玄宗大悅拜耀卿為黃門侍
郎同中書門下平章事兼江淮都轉運使表耀卿以二十一年十二月丁巳同平章事二十二年八月為江淮以南回運使以鄭州刺史崔希逸河南
少尹蕭景為副使益漕晉絳魏濮邢貝濟博之租賦輸

諸倉轉而入渭凡三歲漕七百萬石省陸運傭錢三十萬緡時力豐用廣民間言用斗錢運斗米耀卿罷相北運頗艱米歲至京師纔百萬石二十五年遂罷北運崔希逸為河南陝運使歲運百八十萬石其後以太倉積粟

有餘歲減漕數十萬石

會要云自江淮而汴鴻溝悉納河陰倉自河陰送納含嘉倉又

通納太原倉

通典云自河陰侯水調浮漕至含嘉倉又取曉習河水者遞送納于太原倉所謂北運也

傳裴耀卿為京兆尹京師饑帝將幸東都召問所以救人者曰陛下既東巡百司必從則太倉三輔可遣重臣

分道賑給自東都益廣漕運以實關輔關輔既實則東
輿西還事蔑不濟且國家大本在京師但秦地狹水旱
易匱貞觀永徽時祿廩未廣每歲漕粟不過二十萬略
足今用度浸廣漕運數倍且不支故數東幸以就教粟
為國大計臣願廣陝運道使京師常有三年食雖水旱
不足憂今天下輸丁約四百萬使丁出百錢為陝洛運
費又益半為營窖用分納司農河南陝州又令租米悉
輸東都從都至陝河益湍阻若廣漕路變陸為水所支

尚贏萬計且河南租船候水始進吳工不便河漕在處
停留易生隱盜請置倉河口以納東租然後官自雇載
分入河洛度三門東西各置教倉自東至者東倉受之
二門迫險則旁河鑿山以開車道運十數里西倉受之
度宜徐運抵太原倉趨河入渭更無留阻可減費鉅萬
天子然其計於是置河陰集津三門倉引天下租繇盟
津汴河而西三年積七百萬石省運費三十萬緡通鑑二十
二年八月壬寅置倉河陰上倉天寶中廢大厯四年劉晏置汴口倉元和三年增置河陰倉屋百五十間

貞元中陸贄奏河陰太原等倉米
三百二十餘萬石河陰所貯尤多

裴寬耀卿領江淮

運列倉河陰奏寬為戶部侍郎自副
歸融湖南進羨

錢億萬置錢河陰院以虞水旱
會要十八年耀卿上

言請理教倉於河口立輸場以受米置河陰河陽柏崖

集津三門倉又鑿崖開山以車運數十里積于太原倉

以利漕運二十一年名京兆尹耀卿問以救人之術奏

曰貞觀永徽之際祿廩未廣每歲運不過二十萬石

國用漸廣漕運數倍猶不能支請置倉河口以納東租

然後官自雇載分入河洛度三門東西各築教倉自太原倉汴河入渭更無留阻可減費鉅萬二十二年八月十四日置河陰柏崖集津倉開三門山十八里以避湍險自江淮汴鴻溝納河陰倉自河陰納含嘉倉又遞納太原倉謂之北運自太原倉浮渭以實關中其月耀卿為江淮轉運使以崔希逸蕭景為副副使自此始三年凡運七百萬石 會要武德八年十二月十八日姜行本於隴州開五節堰引水通運永徽元年薛大鼎開無棣河

顯慶元年十月褚朗開底柱三門鑿山通陸運咸亨三年王師順運晉絳之粟于河渭增置渭橋倉官志貞觀六年置舟楫令掌運漕漕正一人監漕一人上元二年丞二人掌運漕隱失開元二十六年廢

唐轉運使 發運使

志開元二十一年拜裴耀卿黃門侍郎同平章事兼江淮都轉運使以鄭州刺史崔希逸河南少尹蕭炅為副使二十五年希逸為河南陝運使二十九年韋堅兼水

陸運使肅宗末年劉晏兼度支轉運鹽鐵鑄錢使及楊
炎為相罷晏轉運使復歸度支凡江淮漕米以庫部郎
中崔河圖主之趙贊又以錢貨出淮迂緩分置汴州東
西水陸運兩稅鹽鐵使以度支總大綱貞元初

二年正月
壬寅

崔造為相疾錢穀諸使額利乃奏諸道觀察刺史選官
部送兩稅至京師廢諸道水陸轉運使及江淮轉運使
增江淮之運浙江東西歲運米七十五萬石復以兩稅
易米百萬石江西湖南鄂岳福建嶺南米亦百二十萬

石詔浙江節度韓滉淮南杜亞運至東西渭橋倉滉方
領轉運奏國漕不可改復以為江淮轉運使 會要開

元二十一年八月侍中裴耀卿充江淮轉運使轉運置
使始於此自開元迄于天祐凡為轉運使者四十八人

自裴耀卿
至柳璨

若裴耀卿韋堅第五琦劉晏杜佑韓滉李巽

裴休此其著名者也河南水陸運使開元二年閏二月李

傑為之後有畢建李齊物齊抗元和六年十月停陝州

水陸運使先天二年十月李傑為刺史始充使

李傑傳
先天中

進陝州刺史水陸發
運使置使自傑始

自後刺史常帶使天寶十載五月

崔無詖為太守不帶水陸運使以度支使楊國忠為之

十二載正月崔無詖為使國忠為都使貞元十三年于

頗兼之元和六年十月停建中三年八月丁未分置

汴東西水陸運兩稅鹽鐵使

十二月二十日
包吉崔縱為之

貞元二年

正月諸道水陸運使並停裴耀卿為轉運使命崔希

逸蕭昚為之副轉運有副使自此始肅宗初第五琦請

於江淮分置租庸使市輕貨以救軍食寶應元年六月

乙亥劉晏為度支鹽鐵轉運使鹽鐵兼轉運自晏始

詳見

後建中元年詔天下錢穀皆歸金倉部既而出入無統

三月癸巳以韓洄判度支杜佑為水陸轉運使行劉晏

韓滉舊制傳韓滉貞元元年加江淮轉運使元琇判

度支以關輔旱請運江南租米西給京師帝委滉專督

之琇請自江至揚子滉主之揚子以北自主之

二月甲戌元琇

為陝州水陸運使江淮運米大至上嘉滉功

第五

十二月丁巳以滉兼度支諸道鹽鐵轉運等使琦見肅宗彭原言兵賦所出江淮為淵請悉東南寶貨

飛餉函洛拜江淮租庸使遷轉運

乾元九年三月

人不益賦而

用饒

廣德二年永泰元年復為使

劉晏度支兼侍御史領江淮租

庸事分置諸道租庸使簡臺閣士掌之出納委士人吏

惟行文書晏辟置皆用材顯循其法亦能富國 盧坦

表韓重華為代北水運使開廢田列壁二十益兵三千

人歲收粟二十萬石 蔣沆領渭橋出納使 德宗以

鄭元鈞為靈夏運糧使轉米峙塞下 通鑑廣明元年

二月高駢奏改揚子院為發運使

發運有使始于唐先天中李傑而改揚子

院為使則
廣明初也

唐漕運有三節江南陝西最重者京口

唐開砥柱漕路 山西運道

李齊物傳天寶初擢陝州刺史開砥柱通漕路 志開
元二十九年陝郡太守李齊物鑿砥柱為門以通漕開
山顛為輓路燒石沃醯而鑿之然弃石入河激水益湍
怒舟不能入新門候水漲以人輓舟而上歲漕經底柱
覆者幾半貞元二年陝虢觀察使李沈益鑿集津倉山
西逕為運道屬于三門倉又為入渭船方五板輸東渭

橋太倉米至凡百三十萬石遂罷南路陸運

通鑑鑿山開車道十

八里避底柱之險二月道成

史記正義底柱山俗名三門山在陝

石縣東北五十里在河之中

唐劉晏漕運

通鑑廣德二年三月己酉晏為河南江淮轉運使議開汴水庚戌命晏與諸道節度使均節賦役聽從便宜行畢以聞大厯元年正月丙戌晏為轉運常平鑄錢鹽鐵等使與第五琦分理天下財賦傳代宗擢晏領東都

河南江淮轉運使時大兵後京師米斗千錢旬農按穗以輸晏自按行浮淮泗達汴入河右循底柱硤石觀三門遺迹至河陰鞏洛見宇文愷梁公堰廝河為通濟渠視李傑新隄盡得利病移書元載陳利害各四盡以漕事委晏故得盡其才歲輸始至天子大悅遣衛士以鼓吹迓東渭橋馳使勞曰卿朕鄼侯也凡歲致四十萬斛關中雖水旱物不翔貴晏以常平法豐則貴取飢則賤與率諸州米常儲三百萬斛初州縣取富人督漕輓晏

始以官船漕陳諫以為管蕭之亞贊言晏操天下贏貲佐軍興斂不及民而用度足唐中債而振晏有勞焉

志肅宗末年淮運阻晏兼使江淮粟帛繇襄漢越商於

以輸京師代宗廣德二年以晏顓領轉運凡漕事皆決

焉晏即鹽利顧役分吏督之

自江淮至渭橋率十萬斛役七千緡

隨江汴

河渭所宜故時繇潤州陸運至揚州斗米費錢十九晏

命囊米而載以舟減錢十五繇揚州距河陰斗米費錢

百二十晏為歇隍支江船二千艘每船受千斛十船為

網每網三百人篙工五十人自揚州遣將部送至河陰
上三門號上門填闕船米斗減錢九十調巴蜀襄漢麻
枲竹篠為絢挽舟以朽索腐材代薪物無棄者未十年
人人習河險江船不入汴汴船不入河河船不入渭江
南之運積揚州汴河之運積河陰河船之運積渭口渭
船之運入太倉歲轉粟百一十萬石無升斗溺者又分官
吏主丹陽湖禁引溉河漕不涸大厯八年以關內豐穰
減漕十萬石度支和糴以優農晏自天寶末掌出納監

歲運知左右藏主財穀三十餘年及楊炎為相罷晏轉
運使復歸度支凡江淮漕米以庫部郎中崔河圖主之
晏於揚子院置十船場以官主之 會要晏遺元載書運之利病各有

四得江湖米二三十萬石則徭役減一利也米運流通
則饑人附二利也雲帆桂楫輸納帝鄉可以震耀夷夏
三利也舟車既通百貨雜集四利也所可疑者武牢成
臯人烟蕭條一病也千里泗上罔水行舟二病也奪攘
姦穴夾河為藪三病也淮陰蒲坂屯戍相望船到便留

非單車使折簡書所能制四病也晏見一水不通願荷
甫先往見一粒不運願負米而趨自此歲運米數十萬

石

晏之任事起廣德二年迄建中元年
凡二十餘年官雖數遷職未嘗易

唐浚儀運路 漢運路

食貨志田悅李惟岳李納梁崇義拒命

建中二年

舉天下兵

討之諸軍仰給京師而李納田悅兵守渦口梁崇義搯

裹鄧南北漕引皆絕京師大恐江淮水陸轉運使杜佑

以漢運路

一本云秦漢運路

出浚儀十里入琵琶溝絕蔡河至

陳州而合自隋鑿汴河官漕不通若導流培岸功用甚寡疏雞鳴岡首尾可以通舟陸行纔四十里則江湖黔中嶺南蜀漢之粟可方舟而下繇白沙趣東關歷潁蔡涉汴抵東都無濁河沂淮之阻減故道二千餘里會李納將李洧以徐州歸命淮路通而止王紹傳李希烈阻兵江淮輸物留梗乃徙餉道自潁入汴通鑑建中三年東南轉輸不敢由汴渠自蔡水而上李希烈傳李納遣游兵導希烈絕汴餉路李勉治蔡渠引東南饋

帝使陝虢觀察使姚明弼治上津道置館通南方貢
貨崔縱為汴西水陸運使王師圍田悅餉四節度糧
軍無乏建中二年李正己反屯兵兗橋江淮漕船積
千餘不敢踰渦口張萬福刺濠州因馳至渦口駐馬于
岸悉發漕船相銜進賊兵熟視不敢動伊慎傳包吉
轉東南財糧至蘄口賊遏江道不得西慎選士七千列
三屯奮擊漕無留艱李晟屯渭北韓滉運米饋之船
置十弩相警張建封傳李泌建言東南漕自淮達諸

汴徐之通橋為江淮計口請以建封帥徐

貞元四年

唐淮潁水運

會要元和十一年十二月

舊紀甲寅

始置淮潁水運

以餽討淮西諸

軍揚子等諸院米自淮陰泝流至壽州西四十里入潁

口又泝流至潁州沈丘界五百里至于陳州項城又泝

流五百里入于澱河又三百里輸于郾城得米五十萬

石附之以芟一千五百萬束計其功省汴運七萬六千

貫平淮西碑士飽而歌馬騰於槽蔡人告飢船粟往

哺 舊紀長慶二年八月丁丑轉運使王播進開潁口
圖

唐李巽裴休漕運 新法十條

會要舊制每歲運江淮米五十萬斛至河陰留十萬四
十萬送渭倉晏沒不登數李巽秉使三載無升斗缺

志自

劉晏後江淮米至渭
橋沒減至李巽復多

巽以元和二年三月為鹽鐵轉運

使大中五年二月裴休為轉運使明年八月為相依前

判使始者溺米歲四十萬斛其能至漕倉者十不三四

官舟之沈至七十餘休使僚屬按之委縣令董之自江
津達渭以四十萬斛之庸計緡二十八萬悉使歸之漕
吏為法凡十事奏之由是三歲漕米至渭濱積百二十
萬斛無升合沉弃焉裴休傳大和後歲漕江淮米四
十萬斛至渭河倉者纔十三休乃命在所令長兼董漕
著新法十條居三年粟至渭倉者百二十萬斛

建隆發運使 紹興經制發運使

建隆二年九月癸酉以盧浚為京畿東路發運副使始
見

此乾德二年二月以何幼冲充京畿東南水陸發運使

興國五年正月命姚沆為陝西三門發運八年九月癸

丑朔置水陸發運於京師

王賓許昌喬水路發運王繼昇劉瑤陸路發運一本置

江淮水陸發運使王賓王繼昇

雍熙四年四月己亥以董儼王繼昇掌

水陸路發運

先是興國八年水陸各為一路至是合為一端拱元年四月罷水陸發運

至

道元年七月癸亥以楊允恭為江淮兩浙發運使

一本云淳

化四年二月以楊允恭為淮南兩浙都大發運允恭藉三路舟江浙所運止於淮泗由淮泗輸京師行之一歲

上供者六百萬

三年五月壬申真宗詔罷之咸平四年以淮南

轉運王子興兼都大發運使自後並以轉運領其務而無使名景德三年二月復置一人馬亮制置茶鹽兼是歲除李溥發運副使大中祥符間胡則為發運使又有三門白波黃渭汴河水路發運使一人在三門使判官迭入奏事

祥符三年九月己亥江淮發運李溥言今春運米六百七十九萬石諸路留三年之儲

景祐元年十月庚申罷江淮制置發運使命淮南轉運兼領寶元元年八月丁卯復置楊日嚴楊告為之天聖四年閏五月戊申初定江淮發運司歲漕米課六百

萬斛

嘉祐以前歲運六百萬石欠折不過六七萬石元祐六年運四百五十餘萬石欠折約三十餘萬石

蘇軾論綱
運五弊

寶元元年賈昌朝言臣嘗掌京廩計江淮

歲運糧六百餘萬以一歲之入僅能充朝廷之用三分

二在軍旅一在冗食

東南六路汴河歲漕六百萬石浮江浙淮更數千里計其費率數石

而致
一石

慶厯三年五月江淮歲漕不給諸大臣以為憂

樞副范仲淹言國子博士許元可獨倚辦卒未擢江浙
荆湖發運判官元曰以六路七十二州之粟不能足京
師吾不信也命瀕江州縣留三月糧餘悉發之遠近以

次相補引千餘艘轉漕而西京師足食皇祐二年十一月壬辰賜元進士出身上謂輔臣曰發運使總六路八十一州軍之廣宜得人而久任之元在職十三年四年二月戊寅上謂輔臣曰東南歲比不登嘗詔損歲漕百萬石今發運使施昌言許元欲分往江浙調發軍儲必謀誅剥求羨餘以希進因詔遵前詔毋科率元請以六路轉運司自隸五月丁卯詔仍舊制嘉祐三年十一月庚寅詔曰國家建都河汴仰給江淮六路所供之租各

輸於真楚度支所用之數悉集於京師以發運司總其
綱條以轉運使幹其歲入荆湖舟楫回載海鹽淮汴舳
舳不涉江路方冬閉塞役卒少休近歲因循茲事遂廢
吏緣為蠹人實告勞始自五年令諸道據年額赴真楚
泗州轉般倉復運鹽歸本路不得撥裏河鹽糧綱往諸
路初許元言汴船不出外江比歲糧船大半為雜般綱
沉失者多從元議降是詔慶厯七年八月十二日詔發
運副使許元令久任嘉祐三
年十月二十七日詔發運使孫長卿令久任
治平四年十月一日副使張芻為使令久任
發運一

司其制始於淳化而備於皇祐之後權六路豐凶而行平糴之法一員在真州督江浙等路糧運一員在泗州

趣自真州至京糧運

四河之漕汴為重二發運之權江淮為重治真州

造船

之法六路之船以供江外之綱淮南之船以供入汴之綱常六千隻一舟之運歲常千石人船之力有餘不勞而辦 祖宗設制置發運司蓋始于王朴之議朝廷捐數百萬緡以為糴本使總六路之計通融移用與三司為表裏以給中都六路豐凶不常稔則增糴以充漕計

饑則罷糴使輸折斛錢上下俱寬而京師不乏轉般之

法始於唐裴耀卿成於劉晏國朝舊制江湖運舟至儀

真

昔揚子也

入轉般倉復載鹽以歸

諸路歲得鹽課無慮數十萬緡以充經費故漕

計不乏橫斂不加於民而上下裕矣

又以運舟自儀真漕河由汴達于都

邑六路八十四州漕京師凡六百萬石自仁宗朝至崇

寧初發運司常有六百餘萬石米百餘萬緡之蓄真泗

二倉常有數千石之儲自胡師文以糴本為羨餘以獻

而轉般無一年之儲崇寧三年七月己亥曾孝廣立直

達之法雖湖南北亦直至京師因毀淮南轉般倉既行直達而鹽法隨變

改為鈔鹽

太倉積粟充溢增置延豐倉于

外發運使以應奉充職自錢鹽之法行課歸榷務諸路無所得漕計日以不給上下俱受其弊轉般與鹽法相因鹽法既變回舟無所得舟人逃散船必隨壞大觀三年十月詔復行轉般而終不克宣和六年十一月詔盧宗原興復轉般曾鞏曰宋興承周制置集津之運轉關中之粟以給大梁用俟贊典其任及收南北之地興國

初始漕江淮四五百萬石至汴至道間楊允恭漕六百

萬石自此歲增廣焉周邦彥汴都賦越舠吳艚官艘

賈舶閩謳楚語風帆雨楫聯翩方載鉦鼓鏜鎔人安以

舒國賦應節

自淮而南邦國之所仰百姓之所輸

紹興二年三月戊戌

罷江淮發運使以其錢帛赴行在祖宗時發運司歲漕

江湖粟六百萬斛即真揚楚泗置轉般倉沂流摺運以

贍中都且因豐凶而平其糴至是省之八年四月丁丑

戶侍李彌遜言不必盡循舊制當於經費之外給糴本

數百萬緡復置一司廣行儲積詔吏戶部修具

會要十二日

議復置

六月乙卯朔

會要十八日

徽猷閣待制程邁為江淮荆

浙閩廣等路經制發運使專掌糴事降本錢四百萬十

二月辛未參政李光請罷發運司令戶部侍郎專領九

年正月丁酉

十六日

復廢戊戌以戶部侍郎梁汝嘉兼經

制使

去發運二字

乾道六年三月虞允文奏復之已卯

二十日

以戶侍史正志為都大發運使江州置司降緡錢三百

萬為糴本十二月癸酉

二十日

復廢嘉熙三年復置以平

江守臣兼寶祐五年十月兼發運大使

乾德轉運使

乾德元年正月以沈義倫為京西韓彥卿為淮南轉運使諸道置轉運始見此興國三年四月諸道置轉運判

官

景德三年十二月三司使丁謂始立比較轉運之法皇祐元年置考課院

東萊呂氏曰

國初轉運使專主糧餉太祖時高防邊光範滕白沈義倫何幼冲劉仁遂曹翰胡玩太宗時劉保勲樂冲郭沈

王在田崔邁

水路判官

皆緣用武以餽運也開寶五年命參

政薛居正呂餘慶提舉諸州水陸轉運使累朝以武臣
文臣任帥守而兼漕事始轉運一司廢置初無定制興
國二年而後邊防盜賊刑訟金穀按廉之任皆委轉運
使又節次以天下土地形勢分路而治繼增判官以京
官為之於是轉運使於一路之權無所不總慶厯中帶
按察使後二年罷

開寶更漕運法

三年秋

實訓以為
二年春

有司言倉儲止及明年二月皇弟開

封尹召陳從信問其事對曰楚泗至京千里舊一歲三運今若運米入船與入倉各宿儲運無淹留則歲可增一運募民船堅實者運糧其損敗者任民自載則公私俱濟又京師米貴官乃定價商賈無至者若聽其自便則四方奔湊米多而價自賤上從其言於是事集

宋朝水運 太平興國四河漕運

亦見河渠及倉庾

會要凡水運自江淮兩浙湖南北運每歲租糴至真揚楚三州置轉般倉受納調舟計綱泝流入汴至京師發

運使領之

或云真泗二州置轉般倉江船不入汴者納於二倉迴運官鹽給舟人真楚等州共有

轉般七倉

諸州錢帛雜物軍器上供亦如之陝西菽粟自黃

河三門汭流入汴至京師三門白波發運使判官催綱

領之陳顥許蔡光壽諸州粟帛自石塘思民河汭沂而

至催綱領之

周顯德六年引閘水入蔡河通漕運

京東諸州粟帛自廣濟

河而至催綱領之

顯德二年於京城西引水入五大河連于濟

藝祖開國首浚諸河

河所運國初未有定數太平興國六年始制汴河歲運

江淮米三百萬石豆百萬石黃河粟五十萬石豆三十

萬石惠民河粟四十萬石豆二十萬石廣濟河粟十二萬石凡五百五十萬石至道初汴運米五百八十萬石祥符初七百萬石此最登之數也又廣南金銀香藥犀象百貨陸運至虔州而水運入京師天禧末諸州軍水運陸運上供金帛緡錢十三萬一千餘珠寶香藥三十萬五千斤河北衛州東北有御河至乾寧軍運軍食餽邊亦有使臣主之川益諸州布自嘉州水運至荆南遣綱送京師歲六十六萬分十綱江湖浙建茶亦水運

送松江權務

諸州歲造船至道末三千三百三十七艘天禧末減四百二十

景德三

年江淮漕米增至六百萬 祥符二年四月壬辰江淮

發運李溥言江淮廩粟除留州約支三年外當上供者

凡一千二百餘萬石每歲水運止五百萬今歲及七百

萬望少損其數 天聖四年臣僚吳耀卿言咸平景德

中歲漕江淮米不過四百五十萬石近年增至六百五

十萬請約舊數立為中制閏五月戊申詔歲課六百萬

石

一本云歲以五百五十萬為額 沈括曰發運司歲六百萬石淮南一百三十萬江東一百萬江西一百

二十萬湖南六十五萬湖北三十五萬兩
浙一百五十萬通餘羨八六百二十萬
按張方平

奏廣濟河上供額六十二萬石
實五十萬石 惠民河額六十

萬石
實五十五萬石嘉祐元年請減十五萬石 黃河馬料三十萬石汴河額

六百萬石
康定後有折納又撥以賑濟 慶厯四年三月辛未省廣

濟河歲漕軍儲二十萬石

嘉祐漕運十四策

元年八月癸亥以張方平為三司使既對畫漕運十四策上供斛斗不得折錢諸路灾傷不得截撥上供廣濟

河上供不得折錢帛惠民河上供減十五萬石只令運二十萬黃河年額馬料三十萬石般運到京汴河漕輓令般粳米年退錢一項充糴本通漕運當令河道疏通折中倉坐倉收糴事簡利博京師河北兵就糧淮南京東揀剝員租稅視凶穰弛斂發運使屬官久任補填綱欠今日之執國依兵而立兵以食為命食以漕運為本宰相富弼讀奏于上前晝漏盡十刻上太息稱善弼曰此國計大本也悉如新啓施行其後未期年而京師有

五年之蓄 二年十一月十三日
乙酉 詔三司以來春開
漕運河北十四策之一

元豐清河輦運

初廣濟河置渠通漕歲六十二萬石以旱不通置輦運
司元豐五年二月十一日罷之移上供物於淮陽軍界
入汴名為清河輦運司命張士澄提舉七年八月置斗
門復通廣濟河以漕 南屯北壘雲布鶴列章溝虎威
環拱離衛蠻君夷長國官郡計奉琛執幣來觀厥光輪

運輻湊充岐衍術嘉倉細柳殆不足以擬之 騰波汙
汙靡悍靡激萬舶連檣艦銜軸接順流而行颺赴雲駛
百里瞬息篙工櫂師嘯歌卧至輸粟太倉陳陳如京


千夫雲萃萬重雲連乃墾乃闢乃宣乃理支分股引澹
為安流犀舟利楫百舍一赴 吳檣蜀艦汙汙夷懌謳

謠載路駭若神設 畚揭雲興綆重縻集 在漢之世

開南山渠鑿褒斜道在唐之世開三門山鑿廣運潭或

利船漕或資田溉著在史冊炳炳如丹

漕渠



玉海卷一百八十二

欽定四庫全書

子部
玉海卷一百八十三

詳校官中書臣張經田

主事臣祁韻士覆勘

總校官進士臣朱 鈐

校對官主事臣陳文樞

謄錄監生臣浦 燭

欽定四庫全書

玉海卷一百八十三

宋 王應麟 撰

食貨

府庫

武庫附

周官有太府內外天玉泉府而無掌庫之官蓋府庫
通言曲禮在府言府在庫言庫天有天庫藏府之星

軫南衆星曰天庫金

十六星天之武庫

商六府

曲禮天子之六府曰司土司木司水司草司器司貨典
司六職注此殷時制也周則皆屬司徒司土土均也司
木山虞也司水川衡也司草稻人也司器角人也司貨
卅人也 大禹謨六府水火金木土穀

湯武五庫

月令季春之月命工師令百工審五庫之量金鐵皮革
筋角齒羽箭幹脂膠丹漆毋或不良 蔡邕月令章句

曰一曰車庫二曰兵庫三曰祭器庫四曰樂庫五曰宴
器庫 樂記武王克殷車甲衅而藏之府庫而弗復用
商子湯武既破桀紂天下大定築五庫藏五兵偃武
事行文教 周官職金有兵器之府 淮南子楚有高
庫之兵

周九府 管氏九府書

漢志太公為周立九府圜法注周官天府玉府內府外

府泉府天府職內職金職幣

六府在太宰泉府地官
天府春官職金秋官

周禮大府

下大夫二人上士四人下士八人爲王治藏之長若今司農

掌九貢九賦

九功之貳以受其貨賄之入頒其貨

金玉貨

于受藏之府

若內府也

頒其賄

布帛曰賄

于受用之府

若職內也

凡官府都鄙之吏

及執事者受財用焉凡頒財以式法授之關市之賦以

待王之膳服邦中之賦以待賓客四郊之賦以待稍秣

家削之賦以待匪頒邦甸之賦以待工事邦縣之賦以

待幣帛邦都之賦以待祭祀山澤之賦以待喪紀幣餘

之賦以待賜予凡邦國之貢以待弔用凡萬民之貢以

充府庫凡式貢之餘財以供玩好之用凡邦之賦取具

焉歲終則以其貨賄之入出會之

淮南道應訓曰楚有太府之貨是楚亦有

太府也

玉府

上士二人中士四人

掌王之金玉玩好兵器凡良貨

賄之藏共王之服玉佩玉珠玉

天子佩白玉而玄組綬佩玉上有蔥衡下有雙

璜銜牙蠙珠以納其間服玉冠飾十二玉

王齊則共食玉合諸侯則共珠槃

玉敦凡王之獻金玉兵器文織良貨賄之物受而藏之

凡王之好賜共其貨賄

獸人皮毛筋骨入于玉府獸人凡獻征入于玉府澤虞守其財

物以時入于玉府厘人則斂其皮角筋骨遂師則入野職野賦職金則入玉石丹青

內府

中士二人

主良貨賄
職在內者

掌受九貢九賦九功之貨賄良兵良器以待

邦之大用凡四方之幣獻之金玉齒革兵器凡良貨賄

入焉凡適四方使者共其所受之物而奉之凡王及冢

宰之好賜予則共之

典婦功共王及后
之用頒之于內府

外府

中士二
人主泉

藏在
外者

掌邦布之入出以共百物而待邦之用凡有法者

共王及后世子衣服之用凡祭祀賓客會同軍旅共財

用之幣齋賜予之財用凡邦之小用皆受焉歲終則會

惟王及后之服不會

注布泉也
有法百官之

其藏曰泉其行曰布
公用也泉始一品景

王鑄大泉
而有二品

泉府

上士四人中士八人下士十有六人

掌以市之征布斂

市之不售貨之滯於民用者以其賈買之物楬而書之
以待不時而買者各從其抵都鄙從其主國人郊人從
其有司然後予之凡賒者祭祀無過旬日喪紀無過三
月凡民之貸者與其有司辨而授之以國服為之息

康成

以莽制
擬國服

凡國事之財用取具焉歲終則會其出入而納

其餘

入市以泉府同貨斂賒賸人斂賸布入泉府珍異有滯者斂而入膳府

天府

上士一人

中士二人言天者尊此所藏若天物然

掌祖廟之守藏與其禁令

祖廟始祖后稷

之廟其寶物世傳守之若魯寶玉大弓者凡國之玉鎮大寶器藏焉若有大

祭大喪則出而陳之既事藏之凡官府鄉州及都鄙之

治中

鄭司農云治中謂其治職簿書之要

受而藏之以詔王察羣吏之治

上春釁寶鎮及寶器季冬陳玉以正來歲之嫩惡若遷

寶則奉之若祭天之司民司祿

司民軒轅角也司祿文昌第六星或曰下能

而獻民數穀數則受而藏之

鄉大夫鄉老及鄉大夫羣吏獻賢能之書于王再拜

受之登于天府大司冠盟書登于天府小司冠及大比登民數自生齒以上登于天府又司民內史司會冢宰

貳之又歲終獄訟登中于天府

職內

上士二人中士四人注若今少內

掌邦之賦入

辨其財用之物而執其總

總其凡目之書

以貳官府都鄙之財

入之數

總者其要數者其詳也執要御詳

以逆邦國之賦用凡受財者

受其貳令而書之

貳令若今御史所寫下本奏王所可者書之

及會以逆職

歲與官府財用之出而叙其財以待邦之移用

大府注受用之

府若職內

職幣

上士二人中士四人

掌式法以斂官府都鄙與凡用

邦財者之幣振掌事者之餘財皆辨其物而奠其錄以

書楬之以詔上之小用賜予歲終則會其出凡邦之會

事以式法贊之

司書叙財受幣入于職幣職歲凡上賜予以叙與職幣授之

職金

上士二人
下士四人

掌凡金玉錫石丹青之戒令受其入征者辨

其物之嫩惡與其數量楮而璽之入其金錫于為兵器

之府入其玉石丹青于守藏之府

守藏府玉
府內府也

入其要

入于

大府旅于上帝則其其金版饗諸侯亦如之

橐人掌受財
于職金以齎

其工

爾雅九府

與漢書
注異

醫無閭之珣玕琪會稽之竹箭

梁山之犀象華山之金石霍山之珠玉崑崙之瑯琅

玕幽都之筋角斥山之文皮岱岳之五穀魚鹽

通典

太公立九府之貨

史記吾讀管氏輕重九府注劉向

別錄曰九府書民間無有索隱曰錢之府藏其書論鑄錢之輕重 鹽鐵論文學曰管仲設九府徼山海

周五府

列子周穆王築中天之臺五府為虛而臺始成

左傳晉軍府

成七年注軍藏府也

魯長府

昭二十五年魯有府人

楚高府

襄十

六年鄭襄庫

襄三十年有府人庫人鄭

呂氏春秋荆葉公發太府

之貨予衆出高庫之兵以賦民

周酒府

天官酒人凡事共酒而入于酒府注入于酒正之府者是王燕飲之酒酒正當奉之 漿人共王之六飲水漿醴涼醫酏入于酒府注亦酒正當奉之

魯大庭氏庫

禮誦訓道方志注若魯有大庭氏之庫 左傳昭五年攻諸大庫之庭注魯城內有大庭氏之虛於其上作庫 昭十八年五月壬午宋衛陳鄭火梓慎登大庭氏之庫以望之注大庭氏古國名在魯城內魯於其上作庫

高顯故登以望氣正義先儒云炎帝神農氏一曰大庭氏大庭嘗都於魯 漢郡國志魯國有大庭氏庫 詩正義詩譜云魯國中有大庭氏之庫則大庭氏亦居茲乎

漢御府

史文紀發御府金錢賜張武以愧其心 三王世家虛御府之藏以賞元戎 百官表少府屬官有御府尚方等七官令丞注師古曰主天子衣服也

霍光使中御府令高昌

食貨志武帝解乘輿駟出御府禁藏 宣紀賜御府衣

入未央宮 列傳賈山至言發御府金賜大臣宗族

李尋待詔黃門食大官衣御府 谷永元延元年對曰

臣願陛下勿許加賦之奏益減太官導官中御府均官

掌牲廩犧用度止尚方織室京師郡國工服官發輪造

作以助大司農 王莽傳長樂御府中御府及都內平

準帑臧錢帛珠玉甚衆 後百官志御府令一人六百

石典作衣服

者

黃瓊傳上疏曰尚方御府息除煩費

楊賜傳賜御府衣 魏楊阜遷少府召御府吏問後

宮人數

秦始皇三十六年使御府視壁

漢武庫令

高帝紀七年二月蕭何治未央宮立武庫太倉

黃圖武庫在未央

央宮

史記樛里子傳漢長樂宮在東未央宮在西武庫

正直其墓

墓在渭南章臺之東

百官表武庫屬中尉執金吾有

令丞

專主兵器而天子又自有若虛以藏兵器考工室以主作器械考工令主作兵器弩弓鐘之屬器成

則傳執金
吾入武庫

食貨志武帝時擊南粵西羌邊兵不足發

武庫工官兵器以澹之

列傳叔孫通論惠帝作復道

築武庫南

田蚡嘗請考工地益宅上怒曰君何不遂

取武庫

毋將隆當哀帝時為執金吾上使中黃門發

武庫兵前後十輩送董賢及乳母王阿舍隆奏言武庫

兵器天下公用國家武備繕治造作皆度大司農錢大

司農錢自乘輿不以給共養勞賜一出少府別公私示

正路也

京師有武庫掌於中尉又有若虛藏兵器考工
室作器械以少府主之而武庫兵以大司農錢

為古者諸侯方伯得顯征伐廼賜斧鉞漢家邊吏職在

距寇亦賜武庫兵皆任其事然後蒙之春秋之誼家不

藏甲請收還武庫 杜欽以王鳳奏為大將軍軍武庫

令職閒無事欽所好也 楊僕武帝責以武庫日出兵

而陽不知 戾太子據出武庫兵 燕王旦詐言以受

詔領庫兵飭武備 成紀建始元年正月立河間王弟

上郡庫令良為王注如淳曰漢官北邊郡庫官之兵器

所藏故置令

上郡庫令亦絳邊之特置庫者 郡國庫兵蓋以算賦錢充之 亭長亦習設備之

兵見後漢百官志注

西京賦武庫禁兵設在蘭錡 申屠聖之

反於潁川也亦盜庫兵

陽朔三年六月

廣漢鄭躬

鴻嘉三年十一月

山

陽蘇令

永始三年十二月

皆盜庫兵

後官志武庫令

漢雒陽武庫

魏相傳田千秋子為雒陽武庫令霍光曰武庫精兵所

聚故用丞相子為令 吳王濞傳桓將軍曰疾西據雒

陽武庫阻山河之險以令諸侯天下定矣 周亞夫傳

趙涉遮說曰將軍從此右去走藍田出武關抵雒陽直

入武庫擊鳴鼓諸侯聞之以為將軍從天而下 史記

齊王閔世家上曰洛陽有教倉武庫

褚先生云

後堅鐔傳

與朱鮪戰洛陽武庫下注洛陽記建始殿東有太倉倉
東有武庫藏兵之所世祖初即位時已有之 馬嚴傳

顯宗拜將軍長史將兵屯西河敕嚴過武庫祭蚩尤帝

親御阿閣觀之

後天文志奎主武庫兵

晉志奎十六星天之武庫

隋志星有天庫兵車之府

五行志光和元年蔡邕對曰武庫禁

兵所藏東垣庫之外障

輿服志輕車建矛戟幢麾轡

輒弩服藏在武庫 李尤武庫銘搏噬爪牙鋒距之先
毒螫芒刺矛矢以存聖人垂象五兵以陳

漢靈金內府

三輔黃圖高祖斬白蛇劍藏於寶庫惠帝即位以此庫
貯禁兵器名曰靈金內府

又見劍類

漢委府

後百官志餘均輸等皆省注鹽鐵論大夫曰往者郡國
各以物貢輸往來煩雜物多苦惡故郡置輸官曰均輸

開委府于京師以籠貨物賤則買貴則賣是以縣官不失實商賈無所利曰平準

漢少府

見官制 百官表少府掌山海池澤之稅以給共養詹事屬官私府長一人丞一人 後百官志凡山澤陂池之稅名曰禁錢屬少府世祖改屬司農中宮私府令一人六百石主中藏幣帛丞一人 史記太倉公傳齊中

御府長信 路溫舒傳遷廣陽私府長注師古曰藏錢

之府天子曰少府諸侯曰私府 田叔傳魯王發中府

錢注王之財物藏也

闕

傳館陶公主令中府注掌

金帛之藏 梁王傳鴻嘉中梁太傅奏收兵杖藏私府

文翁傳減省少府用度買刀布蜀物齎計吏以遺博

士注師古曰少府郡掌財物之府以供太守者也 魏

楊阜傳上疏曰昔邵信臣為少府於無事之世而奏罷

浮食 中少府

王昌
韓勲

漢少內 又見錢幣

丙吉傳少內嗇夫白吉注師古曰少內掖庭主府藏之官也 淮南時則訓六月官少內 周禮職內注若今

泉所入謂之少內疏案王氏漢官解云小官嗇夫各擅其職謂倉庫少內嗇夫之屬少內藏聚似今之少府但官卑職碎以少為名 表內官長丞初屬少府中屬主

爵後屬宗正

內官長賜見於睦孟之傳
內官有獄見於東方朔傳

律歷志度者

分寸尺大引職在內官廷尉掌之 史景紀中六年四

月以大內為二千石

韋昭云大內
京師府藏

置左右內官索隱主

天子私財曰少內正義謂主天子私財物曰少內屬大

內

見官名

漢中黃藏府

桓帝紀建和元年五月芝草生中黃藏府注漢官儀曰

掌中幣帛金銀諸貨物官志少府屬官有中藏府令

一人秩六百石

丁孚漢儀中官藏令秩千石北御府令

韋彪傳中藏府

受賜錢二十萬段紀明傳敕中藏府調金錢綵物助

軍費王莽傳黃門鈎盾藏府文選注曹植令曰皇

帝損乘輿之副竭中黃之府 晉志少府統中黃左右藏等令

魏御府

魏志王觀傳少府統三尚方御府內藏玩弄之寶 楊阜傳上疏欲省宮人乃召御府吏問後宮人數吏守舊令對曰禁密不得宣露

魏白藏庫

左思魏都賦白藏之藏富有無隄同賑大內控引世資

實帑積滯琛幣充牣關石之所和鈞財賦之所底慎注
張載曰白藏庫在西城下有屋一百七十四間秋為白
藏因以為名大內京邑都內寶藏也漢淮南王曰越人
貢財之奉不輸大內曹毗魏都賦白藏之庫戎儲攸
歸

晉武庫

紀惠帝永平五年冬十月武庫火焚累代之寶十二月
丙戌新作武庫五行志元康五年閏月庚寅武庫火

張華疑有亂先命固守後救火是以累代異寶王莽頭
孔子履漢高祖斷白蛇劍及二百萬人器械一時蕩盡
華見劍穿屋而飛莫知所向又曰武帝太康五年正月

癸卯

一云
巳亥

龍二見於武庫井中

紀同

孫盛謂武庫帝王威

御之器所寶藏非龍所處魏嘉平四年五月有二魚集
于武庫屋上太康中鯉魚二見武庫屋上千寶以為武
庫兵府魚有鱗甲亦兵類 職官志衛尉統武庫令

馬隆傳為武威太守請自至武庫選仗武庫令與隆忿

爭 摯虞有武庫銘 吳志注張紘見陳琳作武庫賦
應機論深歎美之

隋左藏院

隋書開皇九年以江表新定給復十年餘州並免當年
租賦明年又以宇內無事益寬徭賦十二年有司上言
府皆滿無所容積於廊廡帝曰朕既薄賦於民又大經
賜用何得爾對曰入有常多於出畧計每歲賜用至數
百萬段曾無減損於是闢左藏院以受之詔曰寧積於

人無藏府庫河北河東今年田租三分減半功調全免

六典注齊梁陳有右藏無左藏北齊太府寺統左右

藏令丞後周有外府隋有左藏令丞

晉少府屬官有左右藏令東晉有庫

曹御史復分庫曹
置外左庫內左庫

唐左藏庫 右藏庫

六典左藏令掌庫藏之事左藏有東西庫朝堂庫又有
東都庫東都朝堂庫掌木雌契一與太府主簿合之右
藏令掌寶貨之事隋太府寺統右藏令丞皇朝因之右

藏有內外庫東都庫各木雌契一隻與太府主簿合之
太府卿諸州庸調折租等物送京者貯左藏其雜送物
並貯右藏 舊紀貞觀五年正月己卯幸左藏庫賜三
品以上帛天寶八載二月戊申引百官入左藏庫縱觀
錢幣賜絹而歸十一載八月己丑幸左藏庫賜羣臣帛
有差 楊炎傳舊制天下財賦皆入左藏庫 百官志
金部掌天下庫藏出納 田令孜傳僖宗發左藏齊天
諸庫金幣 楊慎矜傳父楊隆禮開元初為太府卿時

御府財物羨積如丘山隆禮出納尋尺自按省無不精

麗 玄宗開元十九年正月二十八日敕左右藏太倉

以御史監知出納 陸贄曰度支出納與太府交相關

制出物旬計見物月計符按覆覈有御史董之

凡是太府出納

皆稟度支文符

唐武庫

百官志庫部掌武庫器仗兵部長官蒞其修完衛尉有

兩京武庫令各二人丞各二人掌藏兵械

開元二十五年東都亦置

武器令一人丞二人掌外戎器祭祀巡幸則納於武庫

貞觀中東都亦置

少府監凡武庫袍襦皆識其輕重乃藏之左

校令供兵械

中校令供兵械

軍器監掌繕甲弩以時輸武庫

六典

云北都軍器監

劉黑闥傳秦王大弓長矢藏之武庫世世寶

之張說傳久視中說言太倉武庫並在都邑紅粟利

器蘊若山丘

六典武庫令藏兵仗器械辨其名數

注周

禮有司甲司弓矢司兵司戈盾即武庫之任

隋尚書省有武器監令唐永徽中始置開元三十五年置東

都武庫東都置武器所

天寶中

會要開元十一年五月五日置北

京軍器庫二十六年五月十八日廢依舊為甲坊乾元
元年六月十三日軍器監改為軍器使以內官為之貞
元四年三月自武德東門築垣約左藏庫之北屬宮城
東垣於是武庫遂廢其軍戎器械隸軍器使 貞觀政
要四年房玄齡奏今閱武庫甲仗勝隋日遠矣太宗曰
卿等存心治國務盡忠貞使百姓安樂便是朕之甲仗
陸贄奏議虛內廐之馬竭武庫之兵

唐神策庫

見兵制

唐維城庫

宗室傳開元後皇子幼多居宮內既長詔附苑城為大
宮分院而處號十王宅又諸孫多則於宅內置百孫院
禁中置維城庫以給諸王月奉此承平制云

或謂約諸
王廩入而

上下均
其用

唐大盈庫

志天寶後王鉞為戶口色役使歲進錢百億萬緡非租
庸正額者積百寶大盈庫以供燕私故事天下財賦歸

左藏大府上其數比部覆其出入肅宗時豪將假取不能禁第五琦為度支請皆歸大盈庫供天子給賜主以中官自是為人君私藏有司不能程其多少大厯元年斂天下青苗錢四百九十萬緡輸大盈庫憲宗時劉闢

李騎平訾藏皆入內庫

憲宗出內帑所餘詔度支評直

列傳楊炎為

相舊制天下財賦入左藏第五琦悉進大盈內庫天子以取給為便宦官持簿奉給炎言於德宗請出之以歸有司度宮中經費量數奉入帝從之乃詔歲中裁取以

入大盈度支具數先聞

會要 詔皆歸左藏庫每歲量進三二十萬貫入大盈庫支先

以全數開奏舊制財賦皆納左藏庫而太府四時以數聞

陸贄德宗於行在夾廡

書瓊林大盈二庫別藏貢物贄諫以為瓊林大盈於古

無傳舊老皆言開元時貴臣飾巧以求媚貢獻悉歸天

子終以餌寇帝悟即撤其題

李泌傳請天下供錢歲

百萬給宮中勸不受私獻

裴延齡言左藏天下歲入

不貲請列別舍析為負庫騰庫季庫月庫帝可之永貞

初度支言別庫分藏正物無實益而有吏文之煩詔復

還左藏

唐內府

宦者傳有五局五曰內府主中藏給納有令丞 陸贄
奏議裴延齡於左藏之內分建六庫之名意在別貯贏
餘以奉人主私欲 楊炎傳至德後四方貢獻悉入內
庫

唐諸司甲庫

關播傳遷給事中故事諸司甲庫以令史直曹剗脫為

姦播悉易以士人時黷其法

會要貞元十三年正月云云

唐三庫

會要太和九年十二月勅中書門下吏部各有甲歷名為三庫以防姦偽今請改轉授官先下三庫委給事舍人郎中檢勘

唐延資庫 備邊庫

備邊錄

食貨志會昌末

會要五年九月

置備邊庫收度支戶部鹽鐵錢

物宣宗

會要大中三年十月

更號延資庫初以度支郎中判之至

是

四年八月

以屬宰相

白敏中崔鉉相繼判

其任益重戶部歲送錢帛

二十萬度支鹽鐵送者三十萬

會要同

諸道進奉助軍錢

皆輸焉

通鑑會昌五年九月太尉德裕請置令戶部

歲入錢帛十二萬緡度支鹽鐵歲入十三萬緡

咸通

五年七月延資庫使夏侯孜奏戶部每年合送二十六萬四千一百八十五緡匹

明年減其三

之一凡諸道所進助軍財貨皆入焉以度支郎中判之

大中三年十月改曰延資庫四年八月以白敏中判之

其後夏侯孜杜琮曹確王繹

李德裕又有西南備邊錄十三卷

宣宗嘗

私行經延資庫見廣厦連綿錢帛山積問左右曰誰為
此庫對曰李德裕執政以天下每歲備用之餘盡實於
此自是以來邊廷有急支用不乏茲實賴用 南詔傳
盧攜奏宣宗收三州七關平江嶺以南至大中十四年
內庫資積如山戶部延資充滿 百官志宰相甚則為
延資庫使

乾德講武殿內庫 太平興國內藏庫 景福

內庫 崇政殿庫 即講武殿

太祖削平諸國收其帑藏充內府乾德中府庫充溢上
曰軍旅饑饉當為之備不可臨事厚斂乃於講武殿廊
別為內庫以貯金帛凡歲終用度贏餘之數皆入焉號

曰封樁庫

長編附三
年平蜀後

太宗太平興國三年十月分左藏

北庫為內藏庫

置使

并以講武殿後封樁庫屬焉改封樁

庫為景福內庫初太祖別置封樁庫嘗密謂近臣曰欲
俟斯庫所蓄滿三五十萬遣使與契丹約苟歸我土地
民庶則當以金帛充贖直如不可則散財募士以圖攻

取太宗初即位幸左藏語輔臣曰金帛如山用何能盡於是分為內藏至道二年七月詔河北淮南山南東道

京東江南絹並納內藏

歲入不過錢百餘萬緡銀十餘萬兩太宗用劉蒙正掌內藏

二十

東京記云國初置景福內庫興國三年改名內

藏相對有封樁庫景德四年賜名內藏西庫

四月壬辰徙新衣庫

為別有景福殿庫隸焉祥符八年分內藏為四庫志

內藏庫天子之別藏也縣官有鉅費左藏之積不足給則發內藏佐之職官志內藏庫在銀臺門外又有西

庫景福殿庫隸焉以諸司使副為監官內侍一人點檢

蓋周官內府漢少府禁錢也東京記所云封樁庫乃

真宗別以新衣庫地為之

實錄景德四年四月壬辰徙新衣庫以其地為內藏西庫

非太祖時封樁庫也別有景福殿庫又恐非太宗所改
景福內庫今但以食貨志為據更俟考詳 惟內府之

興自先朝之畫節用於已圖儉於豐收六尚之羨贏為
九年之備豫 祖宗盛時止收經費之餘或坊場課利
不以多寡初無定額時以州郡上供撥入而不齊集守

藏之臣每以為言上亦不察察也 內藏歲入金帛皇

祐中二百六十五萬七千十一治平中一百九十三萬

三千五百五十四 真宗咸平元年上嘗幸景福殿庫

閱金帛謂左右曰此庫金帛雖多朕不敢私用自今非

時取索並經三司出納景德四年八月壬寅幸內藏庫

十月乙巳內出龍圖待制陳彭年所撰內藏庫記示宰

臣王旦等曰太祖已來有景福內庫太宗改名內藏所

貯金帛備軍國之用非自奉也二聖削平諸國親祀郊

丘所費鉅萬皆出於是不取於民三司所假凡六千萬
自淳化迄景德每歲多至三百萬少亦不下百萬累年
不能償即蠲除之昨令彭年述其事此庫乃為計司備
經費耳且計司有缺必取之民非節用何以濟祥符二
年四月戊戌提舉劉承珪新修庫簿一云都帳出納周密詔
獎之賜馬及器幣四年九月陳彭年表請上作內藏庫
銘九月壬申作銘王旦曰陛下述先聖制度皆節儉愛
民之旨可以垂訓無窮

承規掌是庫三十年檢察精密
勤著條式故作銘寵之即承珪

也 五年十一月丙午承珪編宣敕條貫為須知五卷詔

褒之六月癸丑發禁錢佐邊糴糧 八年八月五日再

幸庫天聖四年十月辛巳出緡錢二十萬糴軍儲慶歷

元年五月甲子出內藏緡錢一百萬助軍費二年六月

甲戌出銀帛給邊費皇祐二年閏十二月丙辰出錢帛

助河北軍儲四年七月乙巳亦如之至和二年十月乙

未出錢百萬糴軍儲十一月丙辰出帛三十萬市糴

其出

以助經費前後莫可勝數至嘉祐元年七月巳丑出內
於儲積贏縮有司莫得詳

藏銀絹三十萬賑貸河北三年十月乙巳同四年出錢
助糴常平六年九月癸丑出緡錢一百萬助糴熙
寧二年正月十九日神宗語大臣曰太宗時內藏
財貨每一千計用一牙錢記之每物不同所用錢
色亦異他人莫能曉常匣而置之御閣以參驗帳
籍定數晚年出錢以示真宗曰善保此足矣

景祐四年正月內藏庫言自天禧三年歲斥緡錢六十

萬以助三司

祥符九年正月癸亥
發內藏錢給三司

即詔毋得更貸而明

道末距今纔四年所貸錢帛凡九百十七萬請申以舊
詔甲午從之然三司切於用緩急不能無請上亦無所
吝

太平興國中令玉工治美玉為牒冊寘崇政殿庫祥符
元年封禪取而用之

太平興國左藏庫 三庫 淳化左右庫

在左長慶門內東廊受天下金銀錢帛給邦國之用國
初止為左藏一庫太平興國二年正月丙寅分為絲綿

金銀疋帛三庫

置合同憑由印

淳化三年分置左右藏各二庫

右藏受之左藏給之俟右藏既盈即復以給凡六庫迭

為受給四年廢右并之於左分為四庫曰錢金銀曰絲

綿曰生帛疋帛曰雜色疋帛祥符二年併錢金銀絲綿

為一庫七年又併生帛雜色二庫為生熟疋段庫又以

祗候庫宣索之物件併入以京朝官諸司使副三班內

侍監庫舊兩庫三人後減四人通掌別以三班二人監

門

祥符以來併為南北兩庫

祥符八年八月壬辰幸

左藏內藏

韓琦監

左藏

奏復傳宣合同一司以相

防察罷內臣監受綱
運以革稽留之弊

慶厯二年五月乙丑罷左藏庫月

進錢千二百緡政和六年閏正月建新庫以東西庫為

名實錄興國二年正月丙寅命賈黃中程能馮瓚分

掌三庫先是貨泉與金帛通掌至是以帑藏充溢始命

分之

漢有中藏晉有左右藏唐有左藏庫以
太府少卿知左藏出納自晉始也

紹興二十

二年作左藏庫二十七年選丞簿為轄官乾道七年始

頒置

淳熙中左藏幫三衙百官請給約計三千萬緡
合同憑由司歲取金銀錢帛率以百萬計版曹但

照數
除破

熙寧二年六月一日詔左藏歲撥金三百兩銀五十萬兩入內藏淳熙末兩浙歲輸在內藏庫錢至千二百萬緡

祥符尚衣庫

內衣庫在天寧門內掌乘輿袞冕鎮圭服御繖扇箴駕頭之名物祥符二年七月戊寅改為尚衣庫 內衣物庫在文德殿後掌時服給受初為衣庫開寶三年四月命趙孚監之後改熙寧四年六月戊寅併尚衣庫於內

衣物庫仍改為尚衣庫 新衣庫掌錦綺雜帛在太平坊熙寧四年五月廢 御前甲庫紹興中置百工技藝萃焉二十九年冬罷之

康定奉宸庫

宜聖殿五庫在延福宮一曰宜聖殿內庫二曰穆清殿庫三曰崇聖殿庫四曰真珠庫五曰崇聖樂器庫康定元年九月合為一改今名掌珠寶金銀領以內臣鑄印給之 慶歷四年二月丙申出奉宸庫銀下陝西糴穀

麥振饑皇祐五年以良玉作神寶熙寧元年十月乙卯
出珠二千三百四十萬買馬河北 真宗嘗使郭皇后
觀宜聖殿諸庫后辭曰國之寶庫非所當入 寶元二
年十一月戊子朔出禁中真珠賜三司助糴邊儲

志太府寺受財賦之入則歸左藏內藏庫金玉良貨賄

則歸奉宸庫賜予則歸祇候庫

在橫門外

香藥寶石則歸內

香藥庫

在謝橫門外南廊凡二十八庫舊在內中
天禧五年六月徙茗布雜物皆有庫

太

宗用劉蒙正掌內藏二十年

康定神御庫

康定元年十二月甲午

十三日

判太常宋祁言太廟

藏神御及公寶法物已滿夾室廟壙狹不可更為藏室請於宗正寺西偏別建神御庫命宗寺領之

周禮天府掌祖廟守藏寶物世傳者皆在唐太常有

天府御衣院興國二年置朝服法物庫分三庫一在

大慶殿後一在右掖門內北廊一在正陽門外西廊掌

百官朝物儀仗景德四年置玉津園南郊庫

元豐庫 元祐庫

神宗憤北狄倔強有復幽燕之志於景福殿內帑庫聚金帛自製四言詩一章曰五季失圖獫狁孔熾藝祖造邦思有懲艾爰設內府基以募士曾孫保之敢忘厥志每庫以詩一字目之儲積皆滿又別置庫賦詩二十字分揭其上曰每度夕惕心安意遵遺業顧予不武姿何

日成戎捷庫在崇政殿後

張舜民曰設二十四庫親制庫銘二詩與太祖之意合

欲先取靈夏滅西羌乃圖北伐也

元豐元年始更庫名三年於司農寺

南創元豐庫幾百楹四年正月十八日中書門下言元

豐庫已興脩五年三月十一日詔司農趣常平坊場錢

五百萬緡輸元豐庫十月壬申

二十日

詔戶部右曹發十

二路

京東等

常平錢八百萬緡輸之

凡山海坑冶等利皆貯焉

元祐

三年正月丁巳

九日

改封樁錢物庫為元祐庫隸左右司

三月乙丑

十八日

改元豐元祐庫為元豐南北庫五月丙

辰併北庫錢物于南庫總名元豐六年九月詔歲出內

庫五十萬緡赴元豐庫樁管助邊 後有崇寧庫大觀

庫

貯坑治所入

大觀西庫

貯錢

不見初置年月

會要

真宗御製詩為庫額曰每歲沉檀來遠裔累朝珠玉實

皇居今辰內府初開處充牣尤宜史筆書

宋朝軍器五庫

見兵器 軍器五庫在崇政殿東橫門外掌禁兵器衣

甲槍弩箭各為一庫又有什物庫在清平坊淳化二年

置揀選衣甲器械庫

在內弓箭庫門內

祥符元年正月甲子內

職射于軍器庫 太祖討澤潞維揚下荆廣川峽征河

東平江南命魏丕先期治兵器無不精銳 天聖八年

六月癸未朔試武舉人弓馬於軍器庫 熙寧六年七

月甲寅置內弓箭南庫儲御前所製軍器命官提舉

魯鞏政要策云弓矢取睽始見於經周官考工五兵之

法詳矣太祖命魏丕主作每造兵器十日一進謂之旬

課上親閱之作治之巧盡矣國工有南北作坊歲造甲

鎧具裝鎗劔刀鋸器械箭筈簾皮笠弩橦床子弩凡三

萬二千又有弓弩院歲造弓弩箭絃鏃等凡千六百五

十餘萬諸州歲造弓弩箭劔甲盔鍔等凡六百二十餘萬又別造什器凡諸兵械置五庫以貯之戎具精勁近古未有景德中以歲造之器可支三十年遣秦翰閱武庫所聚權罷作治 周邦彥汴都賦云割蛟革以連函劇兇船以為弭剗魚服以懷鰐百工備盡霜凝電爍故有彊衝勁弩雲梯輜車修鍛延鋹鉞戈兒父繁弱之弓肅慎之矢谿子之弩夫差之甲龜蛇之旒鳥隼之旗軍事蚤正用戒不虞

樞密院有機要庫

見神宗御集類

建隆二年十一月丁巳令州

縣置勅書庫

建炎內軍器庫

建炎四年二月

一云八月

十日以軍器衣甲內弓箭南內外

七庫併為一名曰內軍器庫紹興二年五月十二日什

物庫亦併入

兵百四十人為額

七年正月一日密院請置軍器

局于建康十一月罷乾道五年十二月十二日重修內

軍器南庫

紹興左藏南庫 乾道封樁庫

紹興休兵後取戶部窠名可必者盡入御前樁管激賞

庫士大夫指為瓊林大盈之比

紹興四年二月丙午張浚至行在詔浚隨行錢

物隸內藏為封樁激賞庫

三十二年四月己亥詔從臣條具足食足

兵之策禮侍黃中請用唐楊炎之策歸之左藏孝宗受

禪諫官袁孝言之七月癸丑遂改內藏激賞庫為左藏

南庫然移用皆自朝廷不隸版曹為經費淳熙末始併

歸戶部

十年八月二十八日

尚書王佐奏無益有損請歸封樁不

從十二年正月三日以左藏西上庫為名諸路歲發錢一百九十八萬餘緡紹熙元年十月二日改為封樁下庫仍隸戶部 乾道六年建左藏封樁庫于都省門內其法非奉親非軍需不支遠遵藝祖景福內庫之遺意頗以為軍旅之備淳熙末往往以犒軍或造軍器為名撥入內庫有司不敢執十六年六月光宗命有司稽考以聞開禧元年三月議臣請節用以實封樁

乾道備邊庫

乾道六年二月五日臣寮言銀坑興發價平宜令諸路
監司隨宜收買別立庫以備邊為名緩急支用以代楮
幣從之

嘉定安邊庫

嘉定元年閏四月二日戶侍沈誥等條具估籍田產命
有司掌之歲收所入貿金增充歲遺名曰安邊所以彥
櫛主管安邊庫七月陞提領二年九月五日誥等言金
銀錢楮總九百十三萬貫田產稅賦等歲收七十萬貫

五海卷一百八十三

欽定四庫全書

玉海卷一百八十四

宋 王應麟 撰

食貨

倉庾

史記注胡公曰在邑曰倉在野曰庾漢志胃為天倉
其南衆星曰廡積晉志天囷十三星在胃南為倉廩
之屬石氏星經天倉六星在婁南倉穀所藏南四星

天庾積厨粟之所天囷十三星主御糧

周鉅橋倉

漢張良傳武王發鉅橋之粟注服虔曰鉅橋倉名許慎

云鉅鹿之大橋有漕

一作積

粟

管子武王有巨橋之粟

貴糴之數注巨橋倉在今廣平郡曲周縣

括地志在洺州曲周縣界

楚茨我倉既盈我庾維億

公劉乃積乃倉 豐年

亦有高廩 甫田魯孫之庾如坻如京乃求千斯倉乃

求萬斯箱箋成王見禾穀之稅委積之多於是求千倉

以處之萬車以載之 周制縣都有委積倉廩有分頒

周廩人

神倉

見藉田

地官廩人

下大夫二人

掌九穀之數大祭祀則共其接盛注

藉田之收藏於神倉者也

倉人

中士四人

掌粟入之藏

周御廩

春秋桓公十四年八月壬申御廩災

左氏傳注御廩藏公所親耕以奉粢

盛之倉

說苑魏文侯有御廩

晉志天廩四星在昴南

一曰天廕春秋所謂御廩也

管子黃帝使大常為廩者注謂開廩以給人

漢教倉

高帝紀二年五月屯滎陽與楚戰滎陽京索破之築甬

道屬河以取教倉粟

孟康注教地名在滎陽西北山上臨河有大倉

四年復取

成臯軍廣武就教倉食

史記酈生傳漢三年秋項羽

拔滎陽漢欲捐成臯以東屯鞏雒酈生曰知天之王者

王事可成不知天之王者王事不可成王者以民為天

民以食為天夫教倉天下轉輸久矣臣聞其下乃有藏

粟甚多楚人拔滎陽不堅守敖倉乃令適卒分守成臯

此乃天所以資漢臣願急復進兵收取滎陽據敖倉

漢書

作庚

之粟塞成臯之險杜大行之道距飛狐之口守白馬

之津以示諸侯形制之勢則天下知所歸矣上曰善復

守敖倉酈生又曰陳留城多積粟 惠帝紀六年夏六

月起長安西市修敖倉 功臣表程黑擊項羽敖倉下

周昌以內史堅守敖倉郭蒙以都尉堅守敖倉 列傳

周勃攻曲遇還守敖倉 灌嬰南送漢王還至敖倉

靳歙還軍敖倉破項籍軍成臯 吳王濞少將桓將軍

說王疾西據雒陽武庫食敖倉粟 翼奉願徙都成周

南北千里以為關而入敖倉 武帝王夫人欲立子閔

於雒陽武帝曰雒陽有武庫敖倉天下衝阨漢國之大

都先帝以來無王子於雒陽者 地理志河南郡敖倉

在滎陽 水經濟水又東逕敖山北注詩所謂搏狩于

敖其山上有城即殷仲丁所遷秦置倉於其中故亦曰

敖倉城

書仲丁遷于囂疏云
或曰今河南敖倉

後郡國志注宣王狩于

教

詩言搏歌于教

左傳宣十二年晉師在敖鄆之間秦於此地築

倉

秦立教倉漢因之倉在滎陽太康地理志秦建教倉於成臯

後百官志大司農

屬官舊有滎陽教倉官中興屬河南尹

六典注後漢河南尹屬官有滎

陽教倉長丞

安帝紀永初七年九月調濱水縣穀輸教倉

注詩曰搏狩於敖即此地秦於此築大倉亦曰敖庾在

今鄭州滎陽縣西北 蓋延傳建武二年遣南擊教倉

虞詡傳為朝歌長謁馬稜曰朝歌去教倉百里賊不

知開倉招衆劫庫兵守成臯此不足憂也

漢太倉

又見宮類

甘泉倉

高帝紀七年二月蕭何治未央宮立太倉 三輔皇圖

蕭何造在長安城外東南有百二十楹文景節儉太倉之粟紅腐而不可食 百官表漢大司農屬官有太倉令丞 律志量有龠合升斗斛職在太倉大司農掌之

食貨志文景儉節至武帝之初漢興七十餘年間太倉之粟陳陳相因充溢露積于外居官者以為姓號注

貨殖傳倉氏庾氏是也

王嘉傳孝文時吏居官者子孫以為氏有倉氏庾氏

賈

損之傳元狩六年

劉仲馮曰誤以建元為元狩

太倉之粟紅腐而不

可食

史記齊太倉長淳于意

漢志文帝十三年齊太倉令淳于公

後

百官志太倉令一人六百石主受郡國轉漕穀 堅鐔

傳注洛陽記曰建始殿東有太倉倉東有武庫 晉志

獻帝出太倉米為饑民作糜 食貨志太倉甘泉倉滿

漢長安倉

宣紀本始四年正月詔丞相以下至都官令丞上書入

穀輸長安倉助貸貧民 鮑宣傳上書曰龔勝為司直

三輔委輸官不敢為姦

漢細柳倉

嘉倉

嘉禾倉

三輔黃圖在長安西渭北石徼西有細柳倉東有嘉倉

初建一百二十楹

樊噲傳攻下柳中注細柳地服虔曰細柳在長安西北

萬章

傳在城西柳市注師古曰漢宮闕疏云細柳倉有柳市

文紀注如淳曰長安圖細柳倉在渭北近石徼

三輔故事

漢周亞夫軍於細柳今石徼是也石徼西有細柳倉城東嘉禾倉括地志細柳倉在雍州咸陽縣西南二十

里張揖曰在昆明池南今有柳市是也師古曰匈奴傳

云軍長安西細柳此則不在渭北

漢常平倉

宣紀五鳳四年春正月大司農中丞耿壽昌奏設常平倉以給北邊省轉漕賜爵關內侯 食貨志宣帝即位用吏多選賢良百姓安土歲數豐穰穀至石五錢農人少利大司農中丞耿壽昌善為筭能商功利得幸於上五鳳中奏言故事歲漕關東穀四百萬斛以給京師用卒六萬人宜糴三輔弘農河東上黨太原穀足供京師

可以省關東漕卒過半又白增海租三倍天子從其計御史大夫蕭望之奏故御史屬徐宮家在東萊言往年加海租魚不出長老皆言武帝時縣官嘗自漁海魚不出後復予民魚乃出夫陰陽之感物類相應萬事盡然壽昌欲盡糴關內之穀築倉治船費直二萬萬餘有動衆之功恐生旱氣民被其灾壽昌習於商功分銖之事其深計遠慮誠未足任宜且如故顏師古以望之為不知權上不聽漕事果便壽昌遂白令邊郡皆築倉以穀賤時增其價

而糴以利農穀貴時減價而糴以贍貧民名曰常平倉

民便之上乃下詔賜壽昌爵關內侯而蔡癸以好農使

勸郡國至大官元帝時

初元五年四月
詔罷常平倉

天下大水二年

齊地饑民多餓死諸儒多言鹽鐵官及北假田官常平

倉可罷毋與民爭利上皆罷之壽昌常平亦有從徠

酷吏傳嚴延年遷河南太守府丞義道壽昌為常平倉

利百姓延年曰丞相御史不知為也壽昌安得權此

趙充國傳吾謂耿中丞請糴百萬斛乃得四十萬斛義

渠費其半 魏相傳奏王法必本於農而務積聚量入
制用以備凶災 通典漢明帝永平五年作常平倉
後劉般傳永平十年帝欲置常平倉公卿議者多以爲
便般對以常平外有利民之名而內實侵刻百姓豪右
因緣爲姦小民不得其平置之不便帝乃止 魏用平
糴之法漢置常平之倉

漢郡國諸倉

百官表郡國諸倉農監都水六十五官長丞皆屬治粟

內史

即大司農

水衡屬官有農倉令丞 文紀後六年四月

發倉庾振民 食貨志武帝遣使虛郡國倉廩以振貧

地理志河東有根倉滋倉河南有教倉 汲黯傳以

便宜持節發河南倉粟振貧民

一云河內

枚乘傳吳東山

之府海陵之倉

後漢志廣陵東陽縣有長洲澤吳王濞太倉在此

漢藉田倉

禮儀志注漢舊儀曰種百穀萬斛為立藉田倉置令丞
穀皆以給祭天地宗廟羣神之祀以為染盛皇帝躬秉

耒耜而耕古為甸師官賀循曰所種之穀黍稷種稔

漢常滿倉 羊腸倉

見河渠

晉志顯宗即位天下安寧民無橫徭歲比稔永平五年

作常滿倉

洛陽記有常滿倉

立粟市於城東粟斛直錢三十草

木殷阜牛羊彌望作貢尤輕府廩還積 王莽傳奏作

市常滿倉

平帝紀亦有常滿事蓋林立之

揚雄元后詠起常盈倉五

十萬斛為諸生儲以勸好學 淮南子精神訓許慎注

教倉古常滿倉也 述征記東城二石橋舊於王城之

東北開渠引洛水名曰陽渠東流經洛陽於城之東南

北迴通運至建春門以輸常滿倉 王莽傳有京師倉

注師古曰在華陰灌北渭口

晉太倉 常平倉

平糴法

元魏常平倉 齊

富人倉

武帝紀咸寧二年九月丁未起太倉於城東常平倉於

東西市 食貨志武帝欲平一江表時穀賤而布帛貴

帝欲立平糴法用布帛市穀以為糧儲議者謂軍資尚

少不宜以貴易賤帝乃下詔曰夫百姓年豐則用奢凶
荒則窮匱是相報之理也故古人權量國用取贏散滯
有輕重平糴之法理財均施惠而不費政之善者也然
此事久廢天下希習其宜加以官蓄未廣言者異同財
貨未能通達其制更令國寶散於穰歲而上不收貧弱
困於荒年而國無備豪人富商挾輕資蘊重積以管其
利故農夫苦其業而末作不可禁也今者省繇務本并
力墾殖欲令農功益登耕者益勸而猶或騰踊至於農

人並傷今宜通糴以充儉乏主者平議具為條制然事
竟未行是時江南未平朝廷厲精於稼穡四年正月丁
亥帝躬耕藉田庚寅詔以中左典牧馬賜縣令長相及
郡國丞是歲立常平倉豐則糴儉則糶以利百姓杜
預傳拜度支尚書奏立藉田興常平倉定穀價皆納馬
水經注洛陽地記曰大城東有太倉倉下運船常有
千計江左有龍首倉即石頭津倉也臺城內倉南塘倉常平
倉東西大倉東宮倉所貯不過五十餘萬在外有豫章

鈞磯錢塘倉 元魏太和二十年閏十月戊辰置常平

倉 北齊河清中令州郡別置富人倉 後周司倉辨

九穀之物 宋沈曇慶議立常平倉以救民急事不行

齊永明六年擬常平之制市糴穀帛 梁陳有常平

倉而不糴

隋黎陽倉 河陽倉 常平倉 廣通倉 常

平監

洛口回洛倉 永豐倉

食貨志開皇三年以京師倉廩虛議備水旱詔於蒲陝

等十三州募運米丁衛州置黎陽倉洛州置河陽倉陝

州置常平倉

六典云以此通轉運非雜糴

華州置廣通倉轉相灌注

漕關東汾晉之粟以給京師募人於洛陽運米四十石

經底柱達常平倉者免征戍又河西營田積穀京師置

常平監四年開廣通渠五年發廣通之粟三百餘萬石

拯關中

大業二年十月置洛口倉於鞏城周二十里穿三千窖置回洛倉於洛陽北城周十里穿三百

窖窖容八百石

義師入長安發永豐倉振饑地理志鞏縣有

興洛倉文紀仁壽三年九月壬戌置常平官唐任

環傳至龍門見高祖曰據永豐積粟雖未得京師關中

已定矣留戍永豐倉

段志玄攻永豐倉
竇軌下永豐倉

李密傳大業

十三年拔興洛倉守回洛倉城洛口

隋義倉 社倉

食貨志開皇五年五月度支尚書長孫平建言陛下運
山東之粟置常平之官發廩振賜莫不豐足但經國之
理須存定式奏令諸州勸課當社共立義倉收穫之日
隨所得出粟麥委社司檢校以備水旱

甲申初詔
州縣置倉後關

中青充等州水旱命蘇威等分道開倉振給義倉貯民
間多費損十五年二月詔旱儉先給雜種及遠年粟十
六年正月又詔秦疊等州置社倉二月詔社倉準上中
下三等稅上戶一石中戶七斗下戶四斗
終於開皇人不饑饉
後漢黃香為魏郡守年饑豐富之家各出義穀助官粟
貸越絕書吳兩倉春申君所造一名均輸成周縣
都有委積倉廩有分頒

唐社倉 義倉

會要

兼用
舊志

武德元年九月四日置社倉貞觀中凶荒則

有社倉賑給不足則徙民就食諸州貞觀二年四月三日尚書左丞戴胄上言曰隋開皇之制天下輸粟謂之社倉及大業中取充官費今請自王公以下計墾田秋熟所在為義倉歲凶以給民太宗善之乃詔畝稅二升粟麥秔稻隨地所宜寬鄉斂以所種狹鄉據青苗簿而督之耗十四者免其半耗十七者皆免之商賈無田者以其戶為九等出粟自五石至五斗為差下戶不取焉

歲不登以賑民或貸為種子至秋而償

戶部尚書韓仲良奏云云制可

之

高宗永徽二年正月戊戌開義倉以賑民閏九月六

日令率戶出粟上上戶五石餘各有差後稍假義倉以

給他費至神龍中畧盡玄宗即位復置之開元四年五

月二十一日詔義倉本備饑年賑給自今以後不得以

義倉變造

申賑給之法嚴變造之禁

開元二十五年定式天寶八載

共六千三百八

通典無八字

十七萬七千六百六十石

陸贄云歷

高宗之代五十六載人賴其資國步中艱斯制不弛
開元之際漸復修崇是知儲積備災聖王急務也

元

和六年二月癸巳制宿麥未登以常平義倉粟二十四萬石貸百姓諸道有乏種糧者用常平義倉米貸之七年二月壬辰賑八萬石九年二月丁未賑三十萬石十二年九月辛卯詔諸道遭水人戶令以義倉賑給十三年正月戶部侍郎孟簡奏常平義倉請減估糶有司更不收管州縣得專以利百姓從之長慶二年閏十月甲寅詔江淮水旱以常平義倉出糶以惠貧民四年三月制令諸州錄事參軍專主開成元年八月戶部奏請公

私田畝別納粟一升添貯義倉從之其年十一月忠武
節度使杜悰天平節度使王源中奏當道常平義倉請
別置十萬石以備凶年從之四年七月丙午詔曰義倉
防水旱先給後奏敕有明文 韋倫傳請為義倉以捍
無年 柳宗元貞符鄉為義廩斂發謹飭歲丁大侵人
以有年 陸贄奏議論稅茶歲約五十萬貫請令轉運
使就州縣和糴置義倉以備水旱俟人小休漸勸私積
平糴之法斯在社倉之制兼行不出十年之中必盈三

歲之蓄滋長不已升平可期

貞元十年
上事寢

高宗咸亨元

年十一月乙卯運劍南義倉米百萬石救饑人 憲宗

元和四年六月發京兆義倉賑給

唐常平倉 藏粟米令

會要武德元年九月二十二日詔置常平監官以均天

下之貨五年十二月廢貞觀十三年十二月十三日

壬午

詔於洛相幽徐齊并秦蒲州置常平倉粟藏九年米藏

五年下濕之地粟藏五年米藏三年皆著于令永徽六

年八月二十九日

已酉

京東西二市置常平倉置常平司

官開元二年九月二十五日以穀賤傷農令諸州加時

價糴米貴減價以糴

通鑑云救諸州修常平倉法

七年六月二十八

日關內隴右河北河南五道及荆揚襄夔綿益彭蜀資

漢劍茂等州並置常平倉十六年十月二日勅加時價

三錢收糴

開元初修常平倉法淮浙劍南諸道以下濕不堪貯積討論貯儲之方益精而地氣不能

病通典天寶八年四百六十萬二千二百十石

廣德二年正月二十五日第

五琦請天下常平倉皆置庫以蓄本錢唐常平本錢

玄宗取之客戶

開元初宇文融請校天下籍收匿戶佐用度於是諸道收沒分八十萬田稱是

歲終羨錢數百萬緡十三年二月庚申帝乃下詔以客賦所在並建常平倉益儲九穀權發歛官司勸作農社

使貧富相恤六典注開元二德宗取之茶漆建中三年十四年於京城內大置常平九月趙贊

上言請於兩都并江陵成都楊汴蘇洪等州置常平輕重本錢上至百萬緡下至數十萬諸道津會置吏閭商

賈錢每緡稅二十竹木茶漆稅十一以贍常平本錢憲德宗納其策軍用迫感隨而耗竭不能備常平之積

宗取之地稅

元和元年正月制州府所稅地子數內十分取二分均充常平倉憲宗曰宮中用

尺寸物皆有籍文宗取之回易太和九年以天下回易惟賑民無所計錢置常平義倉本錢歲

增市之非遇水旱不增者判官罰六典常平令一人庫書下考州縣假借者以枉法論

太府屬官掌平糴倉儲之事丞為之貳

垂拱初兩京初置常平署天下諸州亦置

之

百官志倉部郎中以社倉常平倉備凶年平糴價
劉晏傳晏以常平法貴取賤與率諸州米常儲三百
萬斛韋宙傳為永州刺史始築常平倉收穀羨餘以
待饑乏

周官旅師掌聚野之糴粟屋粟間粟平頒其興積施其
惠散其利凡用粟春頒而秋斂之魏平糴漢常平元帝
罷之明帝復之晉泰始四年立倉隋置監唐永徽立於

京師 漢規先具開邊糴以均輸唐務富藏籍關征而
贍本

唐太倉

含嘉倉

又見後

長安倉

六典司農寺有太倉令掌九穀廩藏之事注東都則曰
含嘉倉倉部郎中掌倉庾凡都之東租納於都之含嘉
倉自含嘉倉轉運以實京之太倉自洛至陝運於陸自
陝至京運於水量其遞運節制置使以監統之 會要
太倉出納貞元五年俾司農少卿一人專領少卿李堅

立太倉石柱記

凡鑿窖置屋銘額為庾斛之數與其年月日陸贄曰貞元初太倉無兼月之

儲而有司奏停水運

貞元十四年九月以歲饑出太倉粟三十萬

石出糶其年十二月以河南府穀貴人流令以含嘉倉

粟七萬石出糶

十三年三月以含嘉倉五萬石賑貸

十五年二月癸卯以歲

饑出太倉粟十八萬石十九年十月太倉奏請依六典

置太倉令等員從之元和九年四月詔出太倉粟九十

萬石開六場糶之并賑貸外縣長慶四年二月出太倉

米三十萬石

開元二十一年以久雨出太倉米一百萬石天寶十三載出太倉米百萬石分十

場 雜

食貨志開元二十五年以後以太倉積粟有餘歲

減漕數十萬石文宗召監倉御史問太倉粟數崔虞對

粟二百五十萬石

開成元年正月
御紫宸殿召問

百官志殿中侍御

史一人監太倉出納開元十九年以監察御史莅太倉

其後以殿中侍御史上一人為監太倉使 列傳張說

久視中上疏太倉武庫並在都邑 崔沔睿宗時請發

太倉粟賑貧乏人賴其利 楊慎矜弟慎名玄宗擢為

含嘉倉出納使

會要作
慎矜

慎餘主長安倉

崔郾為虢州

觀察使詔賦粟輸太倉者歲數萬石民輦而致之河鄆
乃旁流為大敖受粟實而注諸槽民忘輸之勞 李商

隱有太倉箴

太和七年十月

唐河陽倉

會要咸亨元年閏九月六日置河陽倉隸司農寺開元
十年九月十五日廢河陽等倉

唐含嘉倉

栢崖倉

河陰倉

集津倉

鹽

倉 洛口倉

永豐倉

臨渭倉

龍門倉

太原倉

會要咸亨三年六月十七日

丙子

於洛州栢崖置教倉容

二十萬石

通典考功郎中王本立置

至開元十年九月十一日廢

六典太原永豐龍門諸監每倉監一人注隋初漕關東之粟以實京邑衛州黎陽倉滎陽洛口倉洛州河陽倉陝州常平倉潼關渭南亦皆有倉皇朝因之地理志河南府鞏有洛口倉河清有栢崖倉陝州三門西有鹽倉東有集津倉陝有太原倉孟州河陰有河陰倉華州

華陰有永豐倉臨渭倉河中府龍門有龍門倉開元二

年置食貨志貞元初關輔宿兵以永豐倉米給禁中

又見上

列傳姜師度為陝州刺史太原倉水陸運所湊

轉屬諸河師度依高為厩注米于舟郭子儀進取永

豐倉關陝始通劉晏按行觀三門遺迹至河陰鞏洛

會要云移書曰陝郊見三門集津遺跡

開成初湖南觀察盧周仁進羨

錢億萬詔置錢河陰院以虞水旱通鑑義寧元年八

月癸巳高祖至龍門薛大鼎請直濟河據永豐倉九月

戊午華陰令李孝常以永豐倉降丙寅遣劉文静帥數萬人屯永豐倉守潼關庚午自臨晉濟渭至永豐倉勞軍開倉賑饑民

任瓌留戍永豐倉

開元二年正月戊寅以三

輔水旱詔以義倉賑給如不足兼以正倉及永豐倉米八年四月華州請以永豐倉賑給十二年八月蒲同州旱出太原倉永豐倉皆十五萬石減價糶

通典天寶

八年諸倉千二百六十五萬六千六百二十石

北倉太倉

含嘉永豐

太原龍門

正倉總四千二百十二萬六千一百八十

四石道十義倉六千三百十七萬七千六百六十石常平

倉四百六十萬二千二百二十石和糴一百十三萬九

千五百三十石關內河西天下米都九千六百六萬

二千二百二十石

唐渭橋倉

會要咸亨三年關中饑監察御史王師順運晉絳之粟
于河渭之間增置渭橋倉自師順始也

唐京倉

食貨志玄宗時太府卿楊崇禮勾剝分銖次子慎名知京倉亦以苛刻結主恩 六典太倉令凡京官之祿發京倉以給

唐御廩

見太常四院

神倉

禮志藉田之穀斂而鍾之神倉以擬粢盛及五齊三酒 六典廩犧令凡藉田所收九穀納于神倉以共粢盛及五齊三酒之用有餘及穰藁飼犧牲

唐濱汾新倉

李憲傳河中兵本仰食于絳而汾可輸河渭歲租與糴常數十萬石故教保山為固民之輸者十牛不勝一車憲濱汾相地治新倉當費二百萬請留垣縣粟糴河南以錢還糴絳粟權其贏以葺新倉絳人賴利

唐河陰太原倉

見上 陸贄奏議河陰太原等倉見米猶有二百二十餘萬石河陰一縣所貯尤多舊例從江淮諸道運米一百十萬石至河陰來年請停八十萬石運三十萬石舊

例從河陰運米七十萬石至太原倉來年請傳五十萬石運二十萬石舊例從太原倉運米四十萬石至東渭橋來年請傳二十萬石運二十萬石

宋朝義倉

建隆

慶歷

熙寧

元豐記

建隆四年

即乾德元年十一月方改元

三月庚申詔多事之後義倉

寢廢歲或少歉失於預備宜令諸州於屬縣各置義倉自今宮中所牧二稅每石別輸一斗貯之以備凶歉給與民人乾德四年三月癸酉詔以百姓供輸勞擾俾

從停廢以便物情

會要乾德四年重疊供輸復成勞擾罷之

仁宗慶厯元年

九月乙亥詔天下立義倉

明道二年二月丁未耕藉田詔天下久廢義倉宜相度興

置之先是景祐四年或有水旱上常憂恤務要賑救三司

判官王琪奏乞行義倉琪言戴胄畝稅二升其實太重永徽計口出粟又且不均莫若自第五等户以上於夏秋二稅外每二斗別納一升隨常稅以入若遇水旱但正稅得減則更不輸各於州郡擇便地立義倉貯之轉運領焉今天下大率取一中郡計之正稅粟麥之類且

以十萬石為率則義倉於一中郡歲得五千石矣矧天下之廣卒遇水旱行賑給則兼并之家未必待此而濟中下之室實先受其賜損有餘補不足實天下之大利會議者同異而止康定中又上奏至慶厯元年九月乙亥詔立義倉從判三司戶部勾院王琪請也二年正月戊午詔天下新立義倉止令上三等戶輸之五年詔罷義倉熙寧初神宗欲復之會王安石主青苗因言人有餘粟乃使之輸官非良法也乃止

二年七月己巳也是歲同州趙尚寬等條

奏置義倉事會知陳留縣蘇熙寧末十年九月癸酉開
涓為天下倡乃就陳留行之封府界自豐稔縣

先立王古為司農簿奏復行之仍聽就縣倉輸自是義倉

入縣倉矣

紀云立義倉自畿內始一云元豐元年王古言去歲詔復義倉試於京畿已不擾請於

豐稔路先推行謂京東西淮南河元豐八年又罷

之紹聖初

元年閏四月

復置納米斗五合大觀元年三月戊

子增令斗一升以備賑荒紹興二十八年戶部趙令詔
言請歲以三之一出陳易新又請水旱災傷檢放不及
七分即許賑濟九月乙酉從之明年遣使覈實淳熙十

一年九月詔不得侵隱他用 元豐元年十月己未頒
義倉法於川峽四路

太平興國御廩

興國七年二月六日庚午幸新修御廩 元豐二年詳
定所言自漢迄唐皆有帝藉神倉今久廢不設祭祀所
用皆索諸市非也請於京城東南度田千畝為藉田十
月癸卯初置藉田

端拱折中倉

一作入中倉

淳化折博倉

端拱二年冬十月癸丑朔詔復置折中倉以范正辭等掌之
先是募民及聽商賈入粟給券於江淮給茶鹽償之謂之折
中或有言其濫弊廢之自是歲失國用百萬之入故復

之尋以歲旱中止淳化二年改折博倉商人甚便

二年五月

乙巳復置折博倉即折中倉也

景祐元年二月丙申命燕肅張宗象與

三司議在京置折中倉利害初欲置折中倉以省江淮
歲漕而多謂平糴京師則物價翔貴而傷民故令參議
張方平言裏河折中倉是在京便糴以助軍儲

漢武帝募民入粟縣官而內受錢於都內服虔曰入穀於外縣受錢於內府

淳化常平倉

景德

天禧

熙寧提舉常平

淳化三年六月辛卯詔置常平倉命常參官領之歲熟增價以糴歲歉減價以糴用賑貧民復舊制也 會要

淳化三年六月詔京畿大穰物價至賤分遣使於京畿四門置場增價以糴令有司虛近倉以貯之命曰常平真宗景德三年正月戚綸上封事請於京東西河北河

東陝西淮南江南兩浙各置常平倉

惟沿邊州郡不置

以逐州

戶口多少量留上供錢一二萬貫小州或一二千貫付司農寺係帳三司不問出入委輸運司并本州選幕職州縣官清幹者一員專掌其事每年秋夏加錢收糴遇貴減價出糴以三年為界所有錢穀羨利止委本寺與掌祥符二年二月辛丑分遣使臣出常平倉粟麥於京城開八場減價糴之以平物價六月丙申內出司農寺上穀價以示宰臣六年又併兩赤縣倉入在京常平倉

天禧元年詔災傷州以元糴價出糴四年八月詔益梓利夔荆湖廣南路並置常平倉熙寧二年詔出內藏庫百萬緡分賜河北諸州增糴常平倉及陝西路遣官提舉四年十月十六日以帛七十萬匹為陝西常平糴本五年四月司農寺丞蔡天申請河東路諸經畧安撫使司亦置常平倉其條約並如陝西詔以麟府豐三州尤為貧乏宜如天申所請

景祐元年詔漕臣舉所部官專領熙寧始遣使

景祐四

年八月甲午詔常平倉三司及轉運司毋得借支熙寧

二年九月丁卯條例司言今諸路常平廣惠倉畧計千五百萬貫石先是常平倉米五十餘萬石而斂散之政廢三年五月司農寺請用見管封樁易發運司新米分貯諸倉隨時斂散以平市價如淳化舊法 治平三年常平入五十萬一千四十八石出四十七萬一千五百七石

志

淳化惠民倉 咸平福建惠民倉

會要淳化五年十月令諸州惠民倉故穀遇糴稍貴減

價糶與貧民人不過一斛咸平三年先詔所在缺食奏聞差官往糶深慮遲延自今止委知州通判幕職互監紀咸平二年十月戊午令福建路置惠民倉 實錄

庫部員外郎成肅請於福建置惠民倉從之先是三司言福建不須置倉肅以遠俗尤宜存卹故有是請丙寅詔令於諸路運司管內有惠民倉處當熟則增價以糶

歉減價出之

天禧四年於荆湖川陝廣南增置

嘉祐廣惠倉

祖宗以來天下戶絕田皆估價以錢入官嘉祐二年樞
密使韓琦請罷鬻諸路戶絕田募民承佃以夏秋所輸
租課每年春夏以賑老幼貧疾十萬戶以上萬石下不
滿萬戶一千石一年數足依舊出賣從之詔天下置廣
惠倉仍詔逐路提刑專領時數未足而官有出賣者侍
御史陳經奏自八月二十三日以後更展五周不得出
賣庶幾委積充峙 實錄嘉祐二年八月丁卯二十日詔
天下置廣惠倉歲給具所支納上三司四年二月乙亥

詔三京諸州軍自今年終應戶絕納官田土未賣者並撥隸廣惠倉詔三司以天下廣惠倉隸司農寺逐州募

職曹官各一員專監

州選官二
人主出納

每年十月分差官檢視

老幼貧疾不能自存之人籍定姓名自次月一日人給米一升幼者半之三日一給至明年二月止有餘即量

大小均給之熙寧二年九月丁卯

九

遣官提舉河北浙

西常平廣惠倉十一月乙亥諸道悉遣之四年正月壬

辰詔驚天下廣惠倉田為常平本六月王廣廉請以錢

斛入常平倉從之

元祐元年閏二月丙辰罷提舉常平官依舊常平倉法時天下免役坊場

積羨餘五千餘萬緡穀帛二十八百餘萬石匹八月罷青苗

元祐三年正月二日庚

戌詔復置廣惠倉從侍講范祖禹之言也二月十二日

給廣惠倉錢三萬緡紹聖元年九月十二日詔罷之

閏四

月二日復提舉常平官

京師有東西福田院以收養老幼廢疾嘉祐八年又置

城南北福田院共為四院

熙寧修復社倉

通畧熙寧二年正月初知齊州王廣淵唐州趙尚寬同州高賦奏置義倉乃詔三司講求修復社倉且圖經久之法使民樂輸而無擾至是廣淵以其法來上會知陳留縣蘓涓亦言臣領畿邑謹為天下倡勸百姓置義倉以備水旱戶口第一等出粟二石二等一石三等五斗四等二斗五等一斗麥亦如之村有社社有倉倉置守者耆為輸納縣為籍記歲豐則量數以輸歲凶則出停藏既久又為借貸之法使新陳相登多寡不一又為通

融之法使彼相補上曰陳留輔邑聽行之徐訪利害

元豐諸倉

宋朝二十三倉

四河運

元豐元年七月二十五日丁酉提點在京倉場所言在京諸倉名宜改易其延豐永濟廣積廣濟第一倉依舊名欲以延豐第二為元豐倉永濟第二為永豐倉廣積南倉為大盈倉廣濟倉為廣阜倉從之 神宗正史職

官志司農寺總倉二十有四

哲宗史志云總倉二十有五當考

會要

京諸倉總二十三所凡受四河運至京師者謂之船般

倉永豐通濟萬盈廣衍

初通濟有四倉景德四年改第三第四曰萬盈廣衍

延豐

舊曰廣利景德中改祥符二年增第二

順成

舊曰常豐景德中改

濟遠

舊曰常盈景德中改

富

國

太平興國中以迎春苑地為之

十倉受江淮所運

東河

永濟永富二倉

受懷孟二州所運

西河

廣濟第一倉受潁壽諸州所運

南河

廣積廣儲二倉受曹濮諸州所運

北河

其受京畿之租者

曰稅倉京東界則廣濟第二倉受之京北界則廣積第

一倉騏驎院天駟監倉受之京西界則左天廐坊倉受

之

舊有義倉祥符元年停

京南界則大盈右天廐倉受之其受商

人入中謂之折中倉其後倉名或更則所受小異漕
運所會則有轉般倉自江南平歲漕米四百萬石給京
師乃增廣倉舍選能吏掌出納副以內侍省倉以待廩
賜而凶年又資以貸振

建隆元年五月以租調委輸吏緣為奸乙巳始擇廷臣

王伸等八人分掌京庾

二年十二月辛丑幸新脩河倉

汴都賦永豐

萬盈廣儲折中順成富國星列而棋布其中有元山之
禾清流之稻中原之菽利高之黍利下之稌有廩有芑

有秬有秠如坻如京如岡如阜 皇畿賦天設二渠曰
蔡曰汴通江會海縈畿帶甸千倉是興萬庾是建杜預
主計劉晏司漕何貢何輸吳杭楚稻月致百萬猶責其
少漢之太倉積粟紅腐使彼粒而計之未及我斗量之
數成王之庾萬箱以供未若我千艘往來運江淮而無
窮備九年之儲充六軍之給當津處要山積雲入者復
有五邑

紹興省倉 豐儲倉

紹興十一年六月癸酉分行在省倉為三界界百五十萬斛白米南倉受之以廩宗室百官為上界次米北倉受之以給衛士五軍為中界糙米東倉受之以備諸軍月糧為下界二十六年夏四月戊戌始置豐儲倉以百

萬石為額

戶部尚書
韓仲通言


乾道社倉

乾道四年戊子建人大饑朱熹居崇安請于郡得粟六百萬斛賑民是冬有年民願以粟償官因留里中而上

其籍于府明年夏又請倣古法為社倉以儲之歲一斂散既以紓民之急又得易新以藏俾願貸者出息什二歲小饑則施半息大侵則盡蠲之為倉三經始於七年五月而成於八月既成熹為之記淳熙八年熹將詣左漕取崇安已行事宜抗奏于朝乞推而頒之諸道十一月二十八日命戶部看詳十二月二十二日從其請自是婺越鎮江建昌袁潭諸邑多行之 成周之制縣都皆有委積以待凶荒而隋唐所謂社倉者亦近古良法

也今皆廢矣獨常平義倉尚有古法之遺意然皆藏於
州縣為法太密吏視民之殍而不肯發累數十年不一
訾省不獲已發之已化為浮埃聚壤而不可食矣是倉
也處於諸邑之里社主於鄉曲之士君子斂散有經維
持有要即此鄉之粟活此鄉之民脫遇阻饑朝取暮獲
讀周禮旅師遺人之官觀其頒斂之疏數委積之遠邇
為之制數甚詳且密聖人既竭心思繼之以不忍人之
政其不可及如此

常平義倉二法雖始于漢建于隋唐其意則唐虞三代
不易之美國朝盛時府界諸路所積幾千五百萬斛



玉海卷一百八十四